

有正味齋全集

和  
895  
3



白香山詩集目錄

有正味齋詩集卷九目錄

錢塘 吳錫麒 聖徵

白沙江上集

述懷五首

湖上大雪作歌

燈夕邀諸故人小飲

甫泊新市懷沈梅邨宰大城

田家二首

嘉興道中二首

渡太湖

順風過錫山驛

丹陽

晚至京口

登北固山樓

真州二首

贈方竹樓元鹿

和趙雲崧前輩翼美人風箏六首

春江曲

蠶詞十首

汪氏廢園觀荷

秋水庵聽省園上人彈琴

雨泊姑蘇城外

憂潦

團扇詞

塘棲舟晚

朱涇

松江郡齋酬別李味莊同年

三江口值大風雨

石銚圖歌為尤水村舊作

儀徵樂儀書院即東園之一隅流水小橋遺規宛在眼

日賦此以寄古懷

冬晚喜門人簷石琴肇堂見過

平山堂梅樹下作

蕪雨樓春望

車螯十二韻

謁大忠祠



江吟薌紹辛招同方竹樓蔣東樗艮年陳師竹實孫集

退隱園分韻得山字

雨花庵

濕瘡甚發偃臥經旬同人有來問訊者以詩答之

驟雨過許墅

雨中獨游湖上三首

于忠肅公祠

重赴真州

雨泊嘉興郭外寺

奔牛道中二首

九日江吟薌招同人拂雲亭舊址登高分韻

城子山懷古

新城看桃花二首

謁伍相祠在真州西門外蓋當時渡江處

渡江值風

棲霞道中

李松雲前輩堯棟招同袁簡齋先生枚黃書厓王仲瞿

星集江寧邵齋二首

曉入攝山二首

登最高峯作歌

舟中雜詩六首

聞姚春漪歿于都中以詩哭之二首

七月七日曾資谷都轉煥招同徐朗齋嵩詹石琴陳理

堂煥胡香海本林家退庵煥蘭雪嵩梁集康山草堂錢

有正味齋詩集卷九  
三  
余還京師用其贈別原韻

吳漢川湖半帆圖

舟中賦秋陰

有正味齋詩集卷九

錢塘 吳錫麒 聖徵

白沙江上集

述懷五首

男兒幸通顯出入承明廬文章精明志所重詩與書賈用亦云  
養南陔良起子朝家一鍾祿田家一斛粟滋味本來同承歡吾  
願足落葉必歸根游雲思還山素餐愧無補內顧求所安日歸  
胡不歸努力趨田園  
少無適俗韻懶受冠帶束長乃登仕籍塵事苦碌碌青山同一  
夢芒屨儼在足妻子亦歡顏從予返初服亟呼床頭酒賞雨在  
茅屋門外白鷗來春波動新綠  
有田而後歸得歸知何時東坡誓江水詩人多託詞我無一頃

田詎慕季女飢守道意自得任遇機無危平生藜藿腸飲水能  
樂之上堂勤定省閉門課書詩有兒亦有女笑語相依依有弟  
復有妹一室同怡怡

前驅負弓走後騎縱策奔以視窮巷儒何如達官尊飽食厭梁  
肉華衣賤羅紈以視窶人子何如富兒歡榮悴分不同勞生各  
如客西風兩石人看老幾家柏蠶絲徒自纏藕線不可穿旁人  
太深計惜我歸無端我笑指我口此中宜飲酒

峩峩秦亭山瀾瀾西溪水短筏愛山春沿緣十八里梅花不自  
貴亂插深竹裏居人無外求茶筍足生理林梢初月白陌上人  
語起隻雞尋近局農話良可喜十年卜築心一椽決于此請寫  
移居圖補入村夫子

湖上大雪作歌

燕山幾載雪見多今年換著西湖蓑峭  
水來銀河初從雲中一縷一縷墮地作輕絮俄似漲空萬翼陣  
隨飛鴛鴦夾隄兩明鏡頓失青銅磨水精簾晃素不波琉璃盆  
涌光旋渦何時神山海上忽驅到但見銀爲宮闕高峩峩其上  
瑤花琪樹雜沓交枝柯老鶴一聲出導我登前坡微茫眼底不  
可辨冷香攝人梅花寓林家老仙詩罷哦墓門哀響生枯蘿人  
生那得不易老青山今日頭還皤嚴陰慘淡暝色動愁猿凍狢  
悲鳴過回身愴况氣四合不知是雲是水是雪誰攬和乾坤物  
物還太始盡洗塵穢蔽陀排闥直欲之帝所純綿軟踏如毳  
羅左邀玉鳳舞右喚銀鸞歌中間綺袂揚仙娥天邊行樂樂則  
那但到瓊樓高處寒奈何不如一篷歸就甕頭酒醉憑白雪照  
我朱顏醜

燈夕邀諸故人小飲

燈明月白幾人過竹馬兒時此踏歌老去友朋貧賤甚尊前歲  
月別離多繁華逝水前程換著述名山舊賢蟠借得鄰家脆粒  
管今宵相勸倒金螺

雨泊新市懷沈梅村宰大城

微雨仙潭上春帆我獨來空餘霄溪水何處一元臺白髮三年  
別青天一雁回無緣慰今夕逢滴夢頻催

田家二首

不從軒冕游詎識農夫樂少長無別離衡茅數椽託蠶生桑葉  
大鳩語杏花落人煙多在野應候事耕作毛空澤不稀飛響散  
叢薄趨種急日謳行泥緩芒屨貧家耐苦辛生理存淡泊夕照  
返柴門稍藉衰腰脚隣菊肯分嘗看山引春酌

藉草夢初醒肌膚生土香時雨原上過麥苗亦已長赤脚度野  
陌春風吹衣裳大兒開竇去決決水注塘小兒叱牛來執策嬉  
我旁豈無村夫子讀書生計妨今朝脫布袴明朝插新秧豚蹄  
寡奢願飽煖天能償

嘉興道中二首

帖水春寒側側吹東風莫惜放帆遲天涯此去萍蹤濶纔是楊  
花潑面時

春波橋畔詩人住

謂曹種梅

買樹曾經繞屋栽一霎鴉蓑拋急雨

泥雙竹出花來

渡太湖

送我何之身若浮但看鷗鳥導前頭拍天巨浸東南合到海長  
波日夜流彼美坐消灣裏夏何人轟醉鏡中秋乘風獨向蒼茫

裏春水生時正欲愁

順風過錫山驛

十里嵐光接蜿蜒去程齊指夕陽邊船行似馬千帆健水活于  
雲一鏡圓過眼漫驚迎客候回頭終悔出山泉明朝斷渡能知  
否鈴語郎當墻頂傳

丹陽

沽酒練塘返夕陽春已晴潮通丁義瀆草長呂蒙城听仄板聲  
立坡高曳緯行雉媒聽格格麥隴正煙平

晚至京口

飛鳥空過影忙南徐北府閱興亡幾人戰伐稱名士如此江  
山賸夕陽風利石頭帆乍去雲埋鐵甕草全荒城西畫角黃昏  
近催得垂楊爾許長

登北固山樓

天風浩浩振飛翰獨自登臨夕照殘二月鶯花愁作客六朝人  
物感憑欄雲驅石氣穿松黑鐘助江聲撼戶寒煙火萬家城郭  
迴樓臺全在畫中看

真州二首

春陰連一片城郭綠楊遮濠曲通朱榭江流折白沙魚鹽成浩  
穰歌吹習繁華小有揚州夢二分明月斜  
高臺寒落日野草亂春風戰伐經前代文章屬寓公喧生帆葉  
外夢醒塔鈴中最便秦淮路回潮一櫂通

贈方竹樓元鹿

詩人老去雪滿髭閉門枯坐常忍飢得錢但邀麴道士畫竹欲  
過梅沙彌十年燕市奉書少一月真州侍面遲今夕明蟾休更



落松枝手捉話相思

和趙雲崧前輩美人風箏六首

眼看彼美信嬋娟學取飛鴻態度翩天末懷時愁渺渺掌中放出舞仙仙惺忪夢雨三生妬宛轉情絲一縷牽多謝兒童相送起裙腰芳草畫橋邊

蛾眉莫怨受人鞿似此吹噓力不微活活雲如迎楚女珊珊骨許借湘妃騰騫細擘留仙縹冲舉新披入道衣較得西施幾文值飭簫聲裏看場圍

心事箋天脉脉通游絲暗裊曉光融沉魚定誤姮娥影顛鶴翻連少女風咳唾不爭珠錯落珮環時響玉玲瓏息肌乞得神方好撒手居然上碧空

交虛豈是捉迷藏轉側俄成牛面粧玉宇高寒矜翠袖銀河清淺阻紅墻最防霧市迷三里慣弄霞機費九張指點雁程餘字在練裙濃染墨生香

也如團扇隔經年重曳東風意渺然千里飛身前出塞九霄結伴小游仙翩翩體自輕於燕戍削肩遠瘦似鷺脂粉畫家塗抹好清明一幅上河傳

年華太息逐波流爭得煙雲幾日遊落拓但愁龍出骨登臨除是蜃爲樓衙城路遠何從匿月窟人孤未可留百丈相思收線早夕陽春掩小門幽

春江曲

江流不可已游子何時歸朝看江月落暮看江花飛江花江月總堪憐曳霧飄煙直到天萬片東西渾莫定一珠上下幾能圓春風一昔吹歡起懊惱長檣鐵鹿子翡翠鴛鴦枉自雙離魂已

斷空江裏纔聞寒食近又值上巳過大姑小姑拾翠多  
湔裙欲出愁奈何可能重歌折楊柳可能再唱定風波  
風波不阻相思住十年悔種相思樹楊花柳花如雪飛攪得春江無綠處願妾身居帶子溝願郎身住紗帽州郎登青雀舫妾上木蘭舟載酒向尋三塔去乘湖共作五湖遊最憐萍梗無根著最惜容華易凋落鑄就江波作鏡明照心不照郎心薄南海貝大秦珠投六博對檝蒲艖中蠓炬搖花麝玉蕭金管兩頭坐何曾聽到三更烏鳥聲啞啞哭不得但恨故人少顏色楊子津頭打鼓行菖蒲花發無消息黃蘗味何苦石榴味何酸攪和入江水與淚同一般日從江南望江北那道江南有人憶愁心挂在江上山遠路惟應夢中識紅子不作香茱萸守空房難消花月無邊恨流過春江萬里長

蠶詞十首

上巳晴明去踏青要看桑上挂銀瓶馬頭廟裏燒香便預乞个

朝瓦卦靈

楊升庵集引古諺云三月初三晴桑上挂銀瓶

麥要輕寒蠶要溫曲房籠火近黃昏吳鹽聘了狸奴到生客須防早閉門

沙沙食葉雨聲麤今歲蠶肥去歲無笑向芒神圖上指把蠶怡

好是三姑

女兒女兒嬌可憐欲眠未眠穀雨前豆莢一肩新入市起蠶時

候忌雷天

繭經俗謂蠶為女兒

團團日出雞子黃一曲聽歌陌上桑前路看花應更好使君莫負紫絲鞵

姑惡鳥鳴甚可收油菜臺黃筍又抽入夜正須添小食呼來女

伴捉眠頭

阿儂不要畫蛾眉。但盼團圓。藥結子時。簇簇山如千里。遠牽儂心裏。便成絲。

桑斧纔停。葉漸疎。已催小滿出三車。土墻茅屋人家靜。一路風

香煮繭餘。諺云小滿出三車謂經車油車水車也

報賽年年白粥煎。長腰鼓打社團邊。願郎但學同功繭。願妾休

彈寡女絃。

村舍兒童散學回。蠶忙過了插秧催。家家蠟蛹傳方法。誰讀河東郭注來。

注氏廢園觀荷

十年老盡看花人。依舊名花照眼新。南北東西魚戲葉。百千蓮。億佛分身吟。耽斜照。筇支獨飲。拗芳筍。酒勸頻。雲水蒼茫歸欲看。祇留鷗鷺自相親。

秋水庵聽省園上人彈琴

江城缺處俯禪房。苔竹迎人一徑青。名畫要如詩句讀。古琴兼作水聲聽。簷端鶴起因風怖。鉢裏龍歸帶雨腥。後約更期秋色好。滿床落葉坐緜經。

雨泊姑蘇城外

青蘆葉作枯楊鳴。雨聲未到先風聲。風頭轉白兩脚黑。中間倒入波光明。數帆收後天更潤。一鳥飛處沙猶晴。候看天矯龍尾挂。天半早有驪珠傾。羣山浩浩涌雲氣。共挾雨勢空中行。雨復驅雲變奇態。水墨不許人工爭。樵肩漁背各裝笠。笠意外自狀蕭疎情。苦惱忘却新漲沒。稍隴散入餘飛清。幽人賞雨醉篷底。夢醒已是寒潮生。僧鐘欲動猶未動。洗出霽月剛三更。

晏涼

高隴已侵水。低田盡積泥。那成熟禾稻。只自賤魚鰕。定荷皇天  
意。能迴蒨屋。嗟一餐甘脫粟。穩我卧蕪蓂。

團扇詞

艷艷吳羅若箇裁。團團明月肯相偃。下階翻避流螢影。怕帶秋  
風信息來。

塘樓舟晚

蓬鬢已如此。郵程又暮秋。勞生酬落日。孤影付扁舟。圓畫松篁  
合。人家橘柚收。年年吹笛感。山水慣淹留。

朱涇

百家成小聚。秋色易蕭條。蠲火低藏葦。鷗沙暗沒潮。禪尋船子  
說。隱待釣人招。一棹前灣去。烟波日暮遙。  
明陸實詩百家  
烟火沙朱涇

松江郡齋酬別李味莊同年

目下離歌不可聞。江南秋色又逢君。尊中滿泛當頭月。戟外孤  
停出岫雲。一榻蒼苔情。幾絕十年老柳態。披紛叢書筮。澤如堪  
著。願乞烟波此地分。

三江口值大風雨

拜浪出江豚。波濤萬馬奔。大聲爭隘急。逆勢受潮渾。莽莽迷吳  
會。滔滔逼海門。漁燈流過處。蘆荻暗黃昏。

石銚圖歌為尤水村蔭作

石銚未見見者圖。圖乃水村之所摹。云周禮贈猶山蘇黃州歸  
向真州趨。提伽院裏養疾居。光明經據。幾几書。茶香拂拂此銚  
俱。慧日泉。甘手自剡。鱗眼魚眼沫。沸珠篆烟一榻。春風餘鬢絲。  
感慨景易徂。淮汝地換非一區。元祐年閱六百逾。得之快意爭

須臾摩挲變如女兒膚。中容一升石骨刻。旁琢三耳花。垢相銀  
鑲分貫細。不處合之一鈕提。若盡函中折足此。則無安身奈何  
器。勿如官逢磨蝎非命乎。即如種也持贈初。石交之訂當不渝  
薦而同升匪私渠。旋又日懲効亦予。是豈意料終始殊。令我觀  
畫生長吁。但願得慰渴病臞。筆筆寫出詩人腴。牛溲過耳松屨  
虛苦味請從舌本咀。

儀徵樂儀書院即東園之一隅。流水小橋遺規宛在眼。

日賦此以寄古懷。

白雲眠我榻。流水和我絃。耳諧誦聲美。目炫林姿鮮。憫澤資翰  
墨。俯仰懷前賢。亭臺展清眺。日月馳華年。秋風一杯酒。平涼滿  
蒼淵。颺啼空穴內。雀噪寒畦邊。冥觸蘊餘情。澄觀快新遷。棹共  
荒穢決。決通蒙泉時。閉蔣生徑。遠設子敬壇。眷茲頌陽暮。太

樞篇

冬晚喜門人詹石琴肇堂見過

及此蕭條日。還勞載酒尋。閒雲搖暮態。落木守冬心。忽發松間  
奏。如聞海上琴。天風吹不斷。鶴語接冥真。時以論稿相質

平山堂梅樹下作

此花已負醉翁時。墻角猶能發好枝。恰襯山光寒轉峭。獨爭雪  
格瘦尤奇。酒杯兼爲青苔賞。月夕休憑玉笛吹。江北江南苦相  
憶。徘徊難得美人知。

薊雨樓春望

一鳥趁樵歸。登樓又夕暉。水光浩柳活。煙力入天微。底事青春  
戀。難教白髮稀。童心爭往日。日迺紙鳶飛。

車螯十一韻

獨擅揚州美。能高海錯名。來隨春浪湧。拾趁暮潮平。餘氣微茫  
結中央。混沌成簿。曾稽水放。單待議門生。近市紛紛集。頃筐漉  
漉盛。堅牢徒口守。肥滿豈腸撐。自昔誇行炙。于今解絮羹。窺斑  
鮮紫活。取雋嫩黃盈。酒溜纖唇啟。漿含妙手烹。魁才容蛤占。逸  
味與蚶爭。此貝何須相。吾牙何可鳴。多煩王學士。口腹與經營。

謁大忠祠

臬亭山頭白雁來。珠金沙口刺船回。風塵滿目作亡虜。無衣空  
唱秦庭哀。江水茫茫寒日落。丹心賸照真州郭。疑團莫破李庭  
芝。義氣須酬吳架閣。喪君立君滄海東。憤濤一片厓山風。血無  
可泣啼鵑急。石到難填精衛窮。孤臣但在宋不死。三載小樓風  
雨裏。敢信蘇卿有故人。但知南八真勇字。狀元宰相二者兼。南  
朝尚有留夢炎。失身并累科名辱。完節爭看廟貌嚴。虹梁百尺

輝雲表。那得文成天下趙。西風故國望黃冠。白日羈魂化朱鳥。

苗再成姜才王炎趙孟錦孟配食俱大忠之名。忠不渝。行人下馬神祠

拜。曾識清江劉洪無。公王鎮江與其客杜游等十一人夜亡變。姓名為清江劉洪東入海。道見宋元通鑑。

江吟薌紹莘招同方竹樓蔣東樗良年陳師竹實孫集

退隱園分韻得山字

看花連日不能閒。又轉城南路幾灣。春水綠生漁舍外。夕陽紅  
入柳陰間。別來故物猶尋壘。歸後孤雲只戀山。多謝三分新月  
子。醉餘還為照顏顏。

雨花庵

禪榻依然舊鬢絲。東風已過落花時。樹陰空處苔相借。江氣寒  
來竹不知。蘇晉長齋貧學佛。陶潛止酒懶題詩。雲門餽餅今朝  
譜。但乞安心是本師。

濕瘡甚發，偃卧經旬，同人有來問訊者，以詩答之。

青苔及相船入市，十日浪浪雨不止。正防重脆起支骸，叵奈陰  
寒侵骨髓。齊侯疥，豈祝可祈。謝石瘡，無物能醫。是身破碎芭蕉  
如厥狀，踣跼駘似洗濯。煩煩神女，湯搔爬那得麻姑，指浸淫  
未已，血終竭。轉側難安，肉先死。叔展徒勞，問麴蘗。冉耕幾欲歌  
芣苢，莫疑瘡乃漆。身為只恐柳，將生肘矣。呼童且辦過頭杖，笑  
我還同折足几。單方鄭重送隣家，禁法荒唐傳術士。白晝無端  
息在床，青山妄想跋能履。平生跌宕頗自豪，此日蹉跎殊足耻。  
腹中詩書致蠹魚，材非松柏遭螻蟻。剜肉方思効補苴，嗜痂亦  
冀逢知己。懼君將鼓鞞而登從，此能行履著幾曉。聞鐘鼓報新  
晴，快意應占勿藥喜。

驟雨過潁墅

六湖氣橫青，低柳梢涼。能醒越酒，猛似挾吳潮。船重數帆  
一鷺，驚蕩草鞋聲去急。應怕失溪橋。

雨中獨游湖上三首

秋光約畧樹頭知，已是明湖蕭屑時。細雨斜風人不見，擘船來  
唱撲魚兒。

關紅一舸醉當年，蒼莽風烟賸眼前。蕩蕩無多花更少，最清清

處白鷗天

濕雲連合萬山遙，歸去芒鞋趁晚樵。莎路不關蟲語早，水聲腳  
下一條條。

于忠肅公祠

土木蒙塵日，元黃再造時。獨憑孤掌奮全賴，一身支遷國謀方。  
煽和戎患易貽，策煩籌杜預，裾許引辛毗。社稷由來重，金縢不

用遺審幾能制勝。挾負任居奇。警衆呼蒼兕。當關起老黧。胸中  
兵仗富。關外敵形知。契箭齊遵約。蝥弧自守陴。識兼瑕。呂卓  
類鸞拳。爲歐脫。消前釁。刀環驗後期。鑿與重得返。綱紀果誰持。  
笛罷唐西內。鐘宣漢舊儀。倉琅驚啟驟。鐵牡恨飛遲。讖已忘鸞  
鶴。謠偏應鷺鷥。雲端天子坐。冰上老臣危。貝錦壬人織。星文午  
夜垂。無名真此舉。欲殺又何辭。六月寒霜下。全腔熱血披。問誰  
思兩帝。愴我拜神祠。可惜長城壞。徒來大鳥悲。江風吹古樹。湖  
月照殘碑。酒執黃龍醉。潮空白馬馳。千秋同太息。遺恨滿靈旗。

重赴真州

淮南無限樹。落葉易蒼涼。鳥去暮雲遠。客行秋水長。魚竿留舊  
夢。蓬鬢掩新霜。慚愧汀頭鷺。年年送我忙。

雨泊嘉興郊外寺

直入烟深處。不知身所依。冥冥雨外忽。聽一鐘飛木葉下。漁  
艇水風吹客衣。嗒然清夢醒。相對尙禪扉。

奔牛道中二首

雲脚蒼蒼山已晴。一聲津鼓換郵程。破帆曳過前陂去。無數牧  
兒吹笛迎。

青旗插處小門開。爲欲消愁買酒回。野草離披斜照過。百嶼合  
作雨聲來。

九日江吟薊招同人拂雲亭舊址登高分韻

菜稜瓜畦野趣饒。登臨風景感今朝。夕陽陳跡人千古。修竹空  
林路一條。旅鬢蕭疎黃菊笑。游心懶散白雲招。故園定有茱萸  
會。江外青山悵望遙。

城子山懷古



撫劍不得意。獨步凌崔嵬。西風挾江氣。寒入烟中來。觀兵盛疇昔。詩成重徘徊。一家擅詞賦。子桓亦雄才。縱橫肝膽露。豁達心胸開。惜未一葦杭。徒見六軍回。旌旗招落日。馬跡生蒿萊。三國既逝水。六朝多劫灰。南望佛狸祠。西眺昭明臺。青山未改色。古人安在哉。披蘿弔山鬼。其此酒一杯。毋爲古人感。祇益今人哀。

新城看桃花二首

楊柳灣灣送權聲。看花人指謝公城。一村社燕容扶醉。幾箇紙鷲天放晴。

花發前林接後林。花多不怕峭風侵。暝烟吹過水東去。紅得夕陽如許深。

謁伍相祠在真州西門外蓋當時渡江處

江上船方去。蘆中人可呼。英姿瞻古廟。落日念前途。介冑身逃楚。煙波路入吳。報讐長劍在。乞食一簫孤。魚豕窺私鬻。虬門啟密圖。三師煩亟肄。五戰欲全俘。竟發驪山冢。如鸞杜伯弧。恨教先世雪。忠豈寸心渝。麋鹿遊相踵。梧桐秋又徂。聽言甘衆豷。志艷純狐。寇正張姑。臣先齒屬鏤。黃池爭後會。白馬奮前驅。憤氣餘千古。靈風眷此都。大招歌郢客。小海唱神巫。漁麋難酬昔。鷄留易感吾。水仙王待薦。歸夢已西湖。

渡江值風

大風渾不料。擊楫已中流。雷雨生羣籟。波濤擲一舟。浮生悲似梗。久客狎如鷗。鷲掠金山去。鈴聲尚未休。

棲霞道中

雲氣生邊紫。翠攢似從霄。路振飛翰一山藥。草春風長六代松。聲白日寒詩句舊。剌苔面讀畫圖重。向馬頭看晚鐘。忽喚神龍

起雨暗空潭響急湍

李松雲前輩堯棟招同袁簡齋先生枚黃書厓王仲瞿

曇集江寧郡齋二首

日下三年別重逢鬢已斑官如五湖長門對六朝山鶴礪泉逾  
潔棠陰吏亦閒玉堂多舊侶相憶孰為攀  
且醉杯中酒還停天末雲靈光尊一老白下重諸君小叙成鷗  
契前期感雁羣主人高誼在歸騎莫紛紛

曉入攝山二首

樵歌未動鳥聲催絕頂巖扉豁達開石色一重泉一折老夫步  
步踏雲來  
芒屨飛空健可能直盤磴道上層層却忘身在松光裏一領袂  
衣寒不勝

登最高峰作歌

一峰如織張半空羣峰羅列兒孫同百三十丈拔地起我提藤  
杖來爭雄紫峰閣前盤折上一氣蒼茫迷俯仰石脚全如水欲  
行松梢只覺雲生響穿雲冉冉身透雲下方指我雲中君我從  
雲端視來路是山是雲都不分大江千里橫四練兩點金黛中  
隱現估帆雜杳向瓜州到眼微吹雪一片此時那不懷抱開憑  
欄忽動江南哀銅駝石馬爾何物西風蕭瑟埋蒿萊起呼三茅  
君上有三茅君與子同一杯青天不可語白日還相催英雄事往戰骨  
堆六朝宮闕幾劫灰人生不飲胡為哉醉騎茅龍欲歸去長江  
浩浩天風來

舟中雜詩六首

吳天蠶罷令千秋淅淅輕雲散不收忽被蘆風吹作雨留人半

日泊孤舟

雨聲絕聽響京蕞柳外斜陽鷺一坡老犢只貪芳艸好不知陳迹踏來多

六朝遺蛻悶諸陵陵口荒燐閃閃燈眠我松人如鬼醜夜深蒼髮立鬢髻

插秧正要水差差新漲今朝已浸籬漁子扳罾雙赤脚草泥渾處立多時

彭彭魄魄打來聲啞啞軋軋車鳴喚儂挑飯下田去樹上一雞啼午晴

鷓鴣簸簸撲沙虛小艇時來喚賣魚水柵已過噎乍定酒家門口卸帆初

閩姚春漪歿于都中以詩哭之二首

一燈昨已黯深宵魂魄先疑入夢遙燕月錯教留四載吳雲慘莫過今朝死生定不相知異醉醒都難此淚消蒲酒可憐時節近水窟重待阿誰招

金臺饒我及深秋正約重來會已休如此光陰同水逝相思節段亦風流羣公日下哀音託舊雨琴臺斷簡搜歸櫬只防蹤跡左他年宿草哭難酬

七月七日曾賓谷都轉煥招同徐明齋嵩詹石琴陳理堂燮胡香海森家退庵湄蘭雪嵩集康山草堂饒余

還京師用其贈別原韻

嘯傲依然此一邱峭帆城堞已飛秋流連河漢今宵會撥觸琵琶舊日愁問渡也思重駕鵲論心端不負盟鷗羣公各要交期念江水明明息壤留

吳漢川 湘 半帆圖

渺渺牛毛樹飄飄鳥背船  
峭飛千尺雪凉割一江煙  
老鶴身同健奇書手自編  
水程閒更好高唱遠遊篇

舟中賦秋陰

凉到生衣容不勝沉沉黯黯幾消凝  
風痕纔定蘆千葉雲氣如  
添水一層港口交加修竹塞渡頭  
明白野鷗與冥濛散作來朝  
雨小艇應愁唱采菱

明治癸巳五月盡日說于柳城仙壽小房

寧齋主人野口式

識

轉

有正味齋詩集卷九

有正味齋詩集卷九目錄

錢塘 吳錫祉 聖徵

重夢集上

沈梅邨自新市來送余北上兼贈以詩舟中賦此奉答

石門道中

晚泊無錫

渡江詞二首

揚州送仲弟歸

寄酬真州諸故人三首

秦淮遇趙新溪司馬

東平值大風

宿南畝智廟

旅中有感寄諸故人二首

糊窗

題橫波夫人畫蘭卷二首

送張古愚同年致仁赴瑞州任

題魏春松比部成憲溪山二隱圖

花朝日集陶然亭公餞王蘭泉司寇子生歸里二首

燕市楊花曲

同許慕魯嘉猷家省庵耆德遊崇效寺

題馮實庵給諫培種竹圖

題門人祝雪舫雯停琴竹月圖遺照

戲題麻姑像二首

題賀梅庵應祥秋林觀瀑圖

雨後過下窪三首

題楊二農崇治衡門春草圖

馮鷺庭編修集梧購得田山薑侍郎大通秋泛圖索題

題查映山望給諫聽雨樓圖并序

哭座主大學士稽文恭公四首

倉史造字圖孫淵如比部星衍屬題

積雨

哭汪雲壑翰撰如洋三首

秋蟬二十韻

久雨乍晴出遊城西諸蘭若各賦一詩得四首

善果寺

慈仁寺

石門道中  
目錄  
崇效寺

長椿寺

宋芝山同年屬題山水畫二首

輝南田仿黃子久富春一角

王石谷遠山修竹

天慶宮觀劉鑾塑像歌

張水屋道涯之簡州別駕任兩峯為畫劍閣圖贈別余

題此詩

題胡黃海翔雲贖詩圖即送其之揚州二首

趙承旨畫馬同張船山問陶作

題李墨莊鼎元登岱圖

徐節婦詞

題戴春塘孝廉聰聽鵬圖二首

元張來儀待月聯吟圖宋芝山同年屬題非第

題黃石齋先生弔周忠惠祠詩卷即用元韻四首

沈梅村自新中來送余北上兼贈以詩舟中賦此奉答

仙人潭上客已抱玉容眠念我遠遊子勞君秋水船詩留山色

夢蘭酒燈前欲寄相思去歸雲定與傳

石門道中

六有青山管送迎旗亭回首不勝情枯桑槭槭天風大老柳蕭

蕭碧雨生片席漁樵支酒局甘年仕宦悔詩名長安笑我邊西

鏡裏秋霜滿鬢盈

泊無錫

長椿寺

宋芝山同年屬題山水畫二首

憚南田仿黃子久富春一角

王石谷遠山修竹

天慶宮觀劉鑿望像歌

張水屋道滄之簡州別駕任兩季為畫劍閣圖贈別余

題此詩

題胡黃海翔雲贖詩圖即送其之揚州二首

戲黃百齋先生用周忠惠麻姑卷哨用示箭四首

云頭來翰詩貝繡心圖宋芝山同辛鳳巖非有

戲漢春亂筆兼謝魏圖二首

有正味齋詩集卷十

錢塘 吳錫麒 聖徵

重夢集上

沈梅村自新市來送余北上兼贈以詩舟中賦此奉答  
仙人潭上客已抱玉琴眠念我遠遊子勞君秋水船詩留山色  
裏夢醒酒燈前欲寄相思去歸雲定與傳

石門道中

只有青山管送迎旗亭回首不勝情枯桑槭槭天風大老柳蕭  
蕭暮雨生片席漁樵支酒局甘年仕宦悔詩名長安笑我還西  
向鏡裏秋霜滿鬢盈

泊無錫

但到斜陽感易生不知物外亦幽清青山可作奇書讀白鷺渾

如侯吏迎。園訪舊遊。逢葉落。酒沾前渡。有舟橫。新霜只怕今宵。緊篷底燈寒。夢不成。

渡江詞二首

蕭蕭楓葉滿江秋。忽聽清歌唱遠遊。一片愁心無處託。隨潮今夜向瓜州。打鼓開船。揚子津。浪花簇簇白如銀。如此風狂不歸去。峭帆愁殺倚樓人。

揚州送仲弟歸

萍跡亦何定。飄飄爾竟歸。暮湖呼小艇。杯酒勸斜暉。正有高堂夢。相隨一雁飛。江湖須慎重。餘淚灑征衣。

寄酬真州諸故人三首

一樣垂楊舊日秋。不堪離緒挂梢頭。酒杯是兄同醉。江水亦

如人欲愁。南郭市喧猶彷彿。東園詩約漫勾留。白沙翠竹開圖畫。讓與羣公踏葉遊。

豈料帆抽。楓落天早催。驪唱藕花前。鷄鳴醒枕懷。君子燕夢空。梁感昔年。樂府吟豪垂。白對酒。任情重買紅纏。

同楷故云百端。心裏思量。偏日落。潮平一惘然。

驛堠雲邊。旅泊餘樓臺。鏡裏故人居。相思不獨淮南樹。此後煩傳冀北書。極浦風寒。驅斷雁。長途日暮。策疲驢。幾年辛苦論詩地。明月愁懸一榻虛。

秦淮遇趙新溪司馬

尋思難得一逢君。忽又津頭袂乍分。三十六湖烟月白。照伊寒柳落紛紛。

東平值大風



倏忽感輪轉。寒聲挾與俱。撲空嗥病虎。和葉墮棲鳥。沙掠征衣勁。星搖大野麤。聆勞者唱。何以慰征夫。

宿南留智廟

迴接燕齊路。一條留人小店易。魂消雞號破壁聲。先飢馬齧枯。其氣不驕。田舍計疎愁後口。江湖夢短悔今宵。不知雁影隨風去。吹過西冷第幾橋。

旅中有感寄諸故人二首

驛冷烟荒鳥下遲。紛紛搖落過秋期。天憐衰草心猶碧。人替垂楊鬢已絲。梁熟最難回夢後。薪勞翻悔斲輪時。一尊孤坐黃昏近。皓月睽蘿影自移。蓬聲罷聽鐸聲聞。吳楚齊燕地屢分。聊乞安身投樹鳥。怕迷歸路出山雲。蠅魚辛苦隨行篋。羅桂悽惶費檄文。後約梅花應不

一枝先待寄殷勤

糊窗

略作巢痕補。全教格眼明。留香花戶曉。寫影竹枝晴。冰雪心同爭。屏帷福莫爭。尖風聽裂紙。山店夢台驚。

題橫波夫人畫蘭卷二首

寒甚苦。無酒錢。看門。凡以名酒見餉。欲傳。聞人畫蘭。感其意。促為寫此。

秋云長。至日眉畫手。莫愁居。有白門眉子。小即其上。蘭芝。范宗伯白題云。雪後擁爐。

梵字花頭墨。寫之小名眉子。押朱絲。水晶宮裏興亡感。一例夫人倒好嬉。

風流猶傍莫愁居。香草圖成雪滿廬。賺得一瓶桑落好。白頭醉殺老尚書。

送張古愚同年

敦仁赴瑞州任

黃河魚守蟄。彭蠡雁隨陽。枯柳不堪折。征途此去長。官閒存澹

泊歲晚聞蒼茫見說趨丹口何時過馬當

題魏春松比部

成憲

溪山二隱圖

春吟血從兒輩塘有借隱之願  
菴塘早本因屬友人奚錫生為

寫此

彈葉忽不憚感彼天邊鴻出門望春草夢遠烟山空徒懷耦耕  
願獨立溪頭風茅茨屋可結松竹徑可通難招香令影入此蒼  
茫中愁心託絹素林壑移天工疑生夜來雨對燭涼濛濛我有  
雨弱弟天涯逐萍蓬白雲渺前浦紫蘭思故叢一椽得歸隱同  
泊西溪蓬

花朝日集陶然亭八俊王蘭泉司寇 予告歸里二首

花朝莫惜未花開幸飡光風勝地陪座數鬢多白去窻收草  
樹有青來春情駘宕逢長日醉態婆娑引巨杯雲外計程西望  
迴接天縹緲認瑤臺

不知何處柳依依祇覺離情滿夕暉  
得老臣歸桃花急溜丁沽活  
臥惟應清夢託 皇畿  
燕市楊花曲

燕市楊花曲

踏青已歇柳脫綿長安大道東風顛撲來緜緜連番雪捲過銅  
街一路烟酒家壚畔逢飄瞥作隊成團明復滅細碎和教綠蟻  
浮模糊圍得青帘熟託根幸借鳳城春金碧樓臺慘最勾片逐  
頓塵隨寶馬肯淹香土碾雕輪雕輪寶馬東西走玉螭金螭屢  
回首漠漠全遮老眼昏匆匆難絆斜陽久誰家紅樓臨狹斜誰  
家女兒隔幔紗嬌喉一聲珠串溜裊空如兩唱楊花楊花歷亂  
歌邊落堯轉楊枝還繫著海戶籠連色更深蘆溝折贈情猶昨  
含嬌恃態若為稽似合旋離各自棲慣掠衣香邀蝶鬪慣掠影

老鴉迷上林。忽度新鶯語。浪擲金梭自來去。游絲無力織不成。入夜春寒奈何許。春寒偏護影。麤愈到天涯。舞愈愁身世。骨騰方塞北。夢魂宛轉又江南。江南塞北幾千里。飛絮飛花同綺靡。清絕瓊壺水。與吹濃時。瑤島雲俱起。無端蕩入霧沉沉。消黯時光太不禁。似為黃昏撥薄暝。翻添明白晝。輕陰。凄涼萬柳堂中客。每見花飛感疇昔。重攀老樹百年道。盡沒蒼苔盈寸積。誰家廢苑接蕭條。何代粧臺對寂寥。啄去燕泥香未褪。罨牢蛛網弱難飄。三眠三起當年記。濯濯靈和想姿致。真倚迴颺欲上天。怕沾細雨終垂地。我昨愁春苦未醒。醒來芳樹已青青。終朝攬結難為帶。一夜波流竟化萍。萍蹤去後無時聚。可惜春光等閒暮。迷離何處望京華。路遠深閨思更苦。

同許慕魯家省庵香德遊崇效寺

重訪招提入。春風又幾年。樹圍誰佛淨。花裏一幢圓。老輩紛囊句。殘僧嬾說禪。殷勤解留客。猶未歇茶烟。

題馮實庵給諫培種竹圖

巷東走尋大馮君。涼聲忽訝江南聞。絲筵長養百十箇。冉冉虛齋生綠雲。長安此物不易致。誰與先生商位置。畫者胸中千畝生。種之庭下今朝醉。園丁未放鴉鬚。鈕髻童仰面一手扶。添苔為竹助顏色。添土為竹封根鬚。日日平安例報汝。年年塵俗難醫吾。吾家湖口三間屋。不少千竿萬竿竹。燕子來時新筍香。嫩煨頓頓花豬肉。去年揚州苦未嘗。今年日下思故鄉。春風幾載不歸去。籬根歷亂行鞭長。屠門大嚼恣一快。不怕屐來能踏壞。勸君且莫甘蕉彈。對君願下菖蒲拜。方今鸞鳳棲不空。請放直幹摩蒼穹。出處但能標大節。動搖常自有清風。

題門人祝雪舫雯停琴佇月圖遺照

天風吹不見。勞我刺船尋。相對古時月。難忘海上琴。一盞沉夕氣。萬籟走商音。但有梧桐樹。長留百尺陰。

戲題麻姑像二首

碧城傳唱小遊仙。桑樹重栽海上田。一幅瓊裙餘想像。南園蝴蝶夢如烟。

藍藍有約采神芝。開過桃花又幾時。歸去瑤池朝阿母。秋霜先已上蛾眉。

題賀梅菴應祥秋林觀瀑圖

前峰雨過雲亂飛。後峰無雨濕濺衣。水簾放下一千尺。數里外已飄珠璣。一翁似踐觀瀑約。枯筇得得穿林霏。楓丹栗黃秋欲老。蜿蜒路取林間微。踏殘落葉紛莫數。纔轉一徑通雙扉。小樓

坐立人四五。若候來者情依依。耳中共有涼濕入。神乃畢靜心無機。虛空但見匹練舞。一跌直落蒼苔磯。人行瀑邊瀑轉隱。却收遠勢凌巍巍。須臾移過白雲去。又似步障重重圍。詩無題者待來雁。畫不了處餘斜暉。山中有酒合留客。童子抱琴歸不歸。

雨後過下窪三首

積潦縱橫綠似苔。連天濕氣雨收纔。歌聲聽唱茨菇葉。一隊兒童踏浪來。

天與詩人寫晚晴。不關秋意亦孤清。雲光活處平林接。幾點斜

翻白鳥明

輾轉車行路不長。蝦蟆叫歇尙斜陽。更無人會蕭閒意。來看青蘆十畝涼。

題楊二農崇衡門春草圖

君家老屋去我三里遙門前流水泱泱穿土橋憶當戊子結文  
社如魚逐隊相招邀到門春草迷屐齒兩扇細認柴扉敲心兵  
戰罷酒兵上十斗五斗酌我傾家醪忽忽廿五載事過如風飄  
君才遠就諸侯招余亦東華瘦馬跑燕吳楚蜀各異地萍蓬蹤  
跡何由遭王孫縱有故山憶但讀芳艸詩中騷我昨假歸去自  
惜朱顏凋走從東家西家尋舊雨可憐晨星落落當時交秋風  
有淚哭不得荒原宿草多飄蕭柯圖金臺夕照照我故人至恰  
我已自鄉里重還朝是時六月新雨過柳陰一榻垂涼條茶  
瓜話舊辭未畢出示此圖謂是老守蓬心拙家山和雲畧點椒  
古樹放春纜及梢其下不知蘼蕪蕙若多少種茸茸一片但有  
烟難消烟邊屋宇猶可識遮頭未改三間茅惜不伊唔握管畫  
我曹我如得歸將卜宅非營北墅當東臯結憐倚背河蓬蒿便

約荷衣草屬師漁樵山低好種竹水淺須栽菱貓頭筍美肉可  
燒白魚出網鰕許撈芻芻新酒酌用匏醉擊銅斗歌邨詩往來  
謝絕車馬囂但憑門外三日五日雨離披野草爭長如人高

馮鷺庭編修集梧購得田山薑侍郎大通秋泛圖索題

天與黃花作重九難得官閒潞河口大鵬治具名賓朋堂堂都  
是田郎偶移家尙欠詠山薑入畫先教描水柳主人詩卽道州  
詩能念東南民困久怕有天邊哀雁聲吹落西風一杯酒仁人  
用意在忠厚如此吟尊差不負古歡繾綣一編申遺墨蒼茫百  
年後此官繼者大馮君鷺庭合兄星羅字伯亦曾在通州坐榻此卷今歸喆弟手流傳胸  
裏活民書能接淵源垂不朽我生忝竊太倉紅每歲虛糜幾升  
斗歸耕先願急田租烟火柴門屢回首

題查映山給諫瑩聽雨樓圖并序

樓在北半截，衡衡相傳為嚴世蕃別業。平泉草木森蔚，依然後  
窻臨得石軒，庭有大湖石五結，姿太古，具體真形。查初白先生  
得石軒歌云：軒西舊是金張第，臺榭居停凡幾易。蓋有慨乎言  
之也。嗟乎權門勢燄炙手可熱，原不過幾利那閒，而賢士大夫  
風雅代興，又往往遷徙不常，視如傳舍，惜哉！給諫居懶眠衡衡  
樓在其後，後乃併為一宅，度疏別治，奉太夫人起居其中。繡衣  
稱觴極天倫之樂，殆視學湖北，以親老不能迎養，不一載陳情  
乞歸，于是王蓬心太守宸繪圖贈行，畢秋帆制府沅為之記筆  
墨之輝，與其事其人皆堪不朽。然後斯樓為得主矣。余欽崇穆  
行敘述清襟，引軸抽思，不禁神往云。  
芭蕉葉大遮短牆，楊柳陰密連長廊。長成樹樹夏疎雨，虛空有  
似搖宮商。高樓幾人曾聽到，一枕送與先生涼。先生視學臨荆

陳情

特許母氏將日歸，豈肯愛官職。適興但欲歌滄浪，晨昏無事視  
磨畢喜有子由來對床。謂舍弟澹餘比部剪燈同話舊時句，吟聲朗答檐  
聲長。古來富貴如轉燭，秋井一楊青苔荒。卽如此樓經始，曰木  
石那不平泉忙。大風忽吹桐樹倒，紛紛蟲蟻逃且僵。天宮雨汁  
洗塵劫，流盡渣滓還輝光。名流幾輩風雅託，天倫樂事誰能方。  
玉壺清賞春早買，待我拜母來登堂。我家老屋修竹傍，數間黃  
篋風粗塘白頭二老行。八十愧我遊子心茫茫，求田之計安可  
望。曷不負米歸故鄉，好趁腰脚今猶強。長歌詠嘆增傍徨，江湖  
已有夢魂去。逢滴響墜兼葭蒼。

哭座主大學士松文恭公四首

台星淪上相，魯殿圯靈光。遂有千秋感，真成一鑑亡。

君恩致優渥。鄉思積蒼茫。舟楫平生事。哀哉夜壑藏。

兩登耆叟宴。重探杏園花。錢僊神仙侶。韋平宰相家。豈徒名不

朽。已備福無涯。兜率看歸去。飄飄玃羽車。

竹箭奔流日。軺車一再過。勞心催白髮。大力折黃河。波浪魚龍

戰。郊原禾黍多。歸途停素旆。遺愛衆人歌。

許我過從數。叨公誘掖頻。笑談徵故事。意氣失令人。黯黯梁陰

缺。樓樓丙舍貧。種松多弟子。徒有淚霑巾。

倉史造字圖孫淵如北部星術屬題

蛟龍脫走急。電奔炯炯四目窺。堂軒曰倉帝。儼天子尊。亦云左

史臣軒轅。沮誦者右。梵仗昆視斯。籀輩其兒孫。陽墟山矗青嶂

嶒。元扈水注流渾渾。神龜丹甲兆。坵埴綠圖推。闡包乾坤星光

倒攝奎躍垣。駢田飛走交。夙蟠覆身放。尾聯蟠蜿光。怪發洩驚

雷。破空粟灑秋。驚驚書生猶憾今。無殮酸風夜。墮薛荔。劫劫洪

若老魅聲。暗吞萬古慘。慘陰寒屯。我初讀畫不敢捫。捫之指濕

雲州痕。惟孫君乃承淵源。三倉掇拾不憚煩。古注細緝梵夾緝

存什一千百言。厥功斐。踵許重論而我更有箴。規存讀書讀

律同一原。罔文不活神。所究始制文字垂黎元。忍聽巨猾手覆

積雨

腕底生春溫。勝銘鼎。兩盤匪鐫。

掃暑簾櫳雪瀑翻。近秋時節點逾繁。蛻蚰畫壁莓苔雜。蝌蚪書

畦水墨渾。仰五月曾看碧落照。泥星又出黃昏。天涯誰共連床

語。剪罷涼燈自掩門。

哭江雲壑翰撰如洋三首

此身如葉謝秋風。痛定還疑是夢中。枉說科名占宅相。君會狀兩元與其外

祖金兩叔先生適同難教福命信天公。庸醫肱豈經三折。厲鬼災先遭五窮。

愴我哭師重哭友。頻催衰白入青銅。

彼蒼從古忌才華。那料冰霜分外加。阿母慘教從地下。太夫人以後二日卒

諸郎翻遣隔天涯。遺編自富難償債。旅魄能歸未有家。到底虛

空無一相飄飄。何苦墮曇花。

弟兄愴絕別筵開。半月前曾此地陪。謂令兄鹿達者只如蝴蝶覺。

詩人難寫鶴鴿哀。官真作劇場何戀。酒亦無情壘可摧。如此中

秋拚一恨儘伊風。雨逼人來。

秋蟬二十韻

及爾傳秋信。西風已暗吹。繁音商氣變。清味露華滋。腔石千愁

共。這先一碧移。斷煙疎雨外。早雁晚蛩時。古調翻來急。青林唱

去。遲巴山沉磬韻。蜀國換琴絲。天地憐孤潔。江山感別離。鱸魚

催客子。團扇擲宮姬。殘暑銷三伏。斜陽賸幾枝。孟家衣惹恨。齊

女曲添悲。金粉迷荒苑。榆槐暗舊祠。夢涼驚易醒。聲悄曳何之。

病翼依柯瘦。餘生戀葉危。柴門方倚杖。虛閣孰絃詩。只我形難

蛻。如伊鬢可知。塵蹤微祿誤。心事故園期。老謝華貂慕。吟就樂

府遺前身。莎草路接響。豆花籬。嘒嘒初無恙。瘖瘖久亦宜。灞橋

楊柳在。入抱惜紛披。

久雨乍晴出游城西諸蘭若各賦一詩得四首

善果寺

爛苔漬雨氣猶昏。忽送斜陽漏晚痕。步趁鐘聲巡徑熟。坐抽梵

夾就床繙陰。蓮華翠。颯聚涼擁袞。袞。一佛尊高閣。毘盧眼前

在。幾時金碧失飛鸞。



慈仁寺

蟬語呼晴樹。漸秋重逢僧。已雪盈頭蒼龍骨。蛻雙松去。怖鴿身盤一鉢。投老輩輪蹄書。估熟前朝功德道場留。西風厭說微塵事。創捲清鐘墜佛樓。

崇效寺

身世憑教付靜觀。一生坐破幾蒲團。鬢絲禪榻催成老。紅杏青松悟到難。碑記棗花苔字沒。坊隣白紙杵聲殘。我來但說清涼法。要結人天半晌歡。

長椿寺

茶夢來從此地圓。遮留昔最亦前緣。京雲清淨依雙樹。寶相莊嚴護九蓮。梵貝至今談福地。帑金無分救窮邊。阿師水定何人識。一瓊寒泉為惘然。

芝山同年屬題山水畫二首

惲南田仿黃子久富春一角

願此江上山。歛若前夢續。孤帆落何處。迎面數峯綠。人家負巘高。鷄鳴上初旭。垂垂汲江深。杳杳轉溪曲。井西之所居。風土故清沃。分以一角秋。嵐翠飽應足。

王石谷遠山修竹

略皴山淺深。盡空去水前後。水外竹有陰。葉葉微烟受。若非斷塔明。安從認水口。歸歟二老誰。斜陽待之久。倘約燒省嘗。過橋合沽酒。

天慶宮觀劉鑾塑像歌

太霞晃朗開天闥。凌飈駕景馳羣神。反華幡尊十二輪。寒章嶽頂扈帝巡。虛空紫炁騰蜺輪。雲膏露澤福萬民。鑿也下土蟻蟲

臣坦泥出自造化鈞靈光一綫通天人。搆挖亦代天寫真元都  
勝境高嶙峋。冕旒肅穆端中宸。儀坤未上夏后嬪。惟左右弼臣  
哉鄰三清位業厥與均。金輝玉映同登晨。醮儀更爲三元陳。  
有三元天地水各頭銜新。是何黑籍檢校頻。主者睨目意似瞋。  
儀一卷一吏屈膝詞欲申。其旁聽者皆聞聞。天師最尊位上賓。益然面  
目道氣純。傳靈官法風雷遵。驅遣蜥蜴來踐踐。行雨欲比茅龍  
馴。凡諸法相殊等倫。鑿也貌之見若親。曹衣吳帶一手皴。得神  
得氣得笑鬚。喻爾陀愧巧未臻。我侍香案思前因。宰官偶現今  
世身。五百年跡訪未湮。到此眼已無紅塵。蒼虬掉尾盤輪囷。金  
鷄壁翅迴秋旻。寬鞋踏葉歸途循。神仙待問邛長春。

張水屋道滄之簡州別駕任兩峯爲畫劍閣圖贈別余  
題此詩

青天不可上。白雲自在行。蜀道古云難。有客將徂征。去京六千  
里。永遠山更橫。心知道里長。爲計所歷程。寒陰生咫尺。遠慙秋  
亭。皇劍門所去路。在目修蛇紫層梯。出荒怪萬笏。開崢嶸。神來  
身已歷。筆落心先驚。離離蔚蔚。一氣騰金精。聚此積鐵勢。高  
插秋空晴。此時秋正深。此境秋愈清。冥冥子規語。嗷嗷羣猿鳴。  
楓杉自爲色。石浪交相聲。送君從此往。西風導行旌。行旌不惜  
遠。別酒不厭傾。敦勉發至論。慷慨刊凡情。朝廷設官職。一階  
亦足榮。毋以謫宦傷。而謂監州輕。此州產無蠟。此州居有氓。文  
翁敦禮樂。武鄉務農耕。大輒觀所斫。小鮮亦云烹。名雖稱官府。  
實自父兄。卽此佐良牧。有何權勢爭。公暇事筆墨。觸手烟雲  
井。川原一過眼。得意無關荆。一圖蜀道易。再圖棧道平。他時附  
書來。報我政已成。花開時節好。相望錦官城。

三峽詩集卷之二  
三

題胡黃海 翔雲 贖詩圖即送其之揚州二首

雪中泥瓜賸無多。來隔三年去奈何。依舊鯉魚風信後。峭帆欲渡古黃河。

離觴欲盡句難酬。落日蕭蕭又下樓。獨有懷人千里夢。隨君今夜向揚州。

趙承旨畫馬同張船山 開陶作

值得黃金買。留教名士看。燕臺逢日落。龍氣逼人寒。粉墨餘蕭瑟。風塵接渺漫。王孫天上種。寫罷淚曾彈。

題李墨莊 鼎元 登岱圖

蒼茫一氣搖魂魂。羣山雜沓如兒孫。世間五嶽首東嶽。圖裏仿佛真形存。攀蘿附葛人不少。讀書方知齊魯小。萬丈嶙峋眼裏來。直到青天青不丁。觸石而起雲亂鋪。雲中君乃仙人乎。手持

曾宿處。灑水所入風生漣。但須有酒如此水。免使望遠心煩煎。

題黃石齋先生弔周忠惠祠詩卷即用元韻四首

字倅真海澄人天啟間巡撫吳中為政簡靜持大體性剛介織造內監李實怙魏忠賢勢恣為貪暴起元疏劾之忠賢怒燬實劾起元沒裕金十餘萬日與高攀龍等往來講學內行居間與周順昌六人同被逮死獄中後贈兵部侍郎諡忠思詩乃石齋先生局其祠下作也

孤忠成本性。昭雪亦君恩。落日祠堂拜。吟詩涕淚存。歸魂招魏

闕。緹騎慘吳門。颯颯青處哀。哉獨往言。

闕豎成何事。虔劉國已瘡。幾人拚熱血。羣小殉冰山。大節垂霄

日。殘燐失野營。鋤姦亦英主。元氣不能還。

况復前車踵。萌芽又在茲。諫臣論戍日。內侍算縉時。蠹禍乘危

國。狐鳴應古祠。初基懲爾輩。何處問遺碑。

萬古誰無死。九原真有隣。詩書堅此骨。軍旅喪斯人。勢豈支殘

局。心能託後塵。白虹同不滅。慘淡接江濱。

古語無取。其意有謂。昔聖世。此骨軍。此聖世。人焚。豈支。豈

日。交。繼。夫。理。皆。熾。亦。英。生。云。尿。不。指。藏。

關。豈。如。向。事。與。隆。國。日。與。人。并。燕。血。羣。小。飲。水。山。大。僧。垂。青。

關。豈。如。向。事。與。隆。國。日。與。人。并。燕。血。羣。小。飲。水。山。大。僧。垂。青。

眼。黃。可。深。衣。主。甲。風。忠。謀。匪。精。登。明。用。云。斷。四。首。

會。齋。與。水。汎。入。風。車。戰。卧。於。床。四。收。此。水。又。如。筆。或。心。賦。煎。

弄。碧。向。西。笑。似。聞。舊。侶。蓬。萊。呼。大。圓。海。水。隔。咫。尺。金。支。翠。粧。光。

有。無。天。雞。發。唱。闐。闐。闐。闐。樹。頂。飛。上。扶。桑。烏。瞳。瞳。曉。色。爭。一。瞬。但。

膾。九。點。煙。糝。糊。浴。日。亭。邊。重。回。首。鳳。皇。臺。上。羣。鴉。走。七。十。二。代。

秋。草。荒。誰。酌。登。臨。一。杯。酒。秦。之。松。漢。之。柏。八。分。唐。代。磨。厓。石。元。

氣。淋。漓。紙。上。收。寫。君。蕩。蕩。胸。中。碧。李。白。豈。是。蓬。蒿。人。踏。雲。歸。去。

紫。寫。平。生。霖。雨。志。鬱。鬱。自。此。伸。莫。使。婚。嫁。纏。其。身。山。中。猿。鶴。倘。

相。念。桃。花。待。汝。三。千。春。

徐節婦詞

木。瀆。里。家。者。徐。婦。氏。殷。頗。知。書。事。舅。姑。視。子。職。如。曉。聞。荒。雞。喔。

喔。上。堂。起。居。一。解。舅。姑。顧。婦。色。喜。愛。憐。之。以。子。視。子。出。外。授。書。

營。甘。旨。修。脯。不。給。給。之。婦。一。指。二。解。烏。夜。啼。啼。聲。一。何。哀。兒。父。

死兒願從游夜臺游夜臺白日慘慘黃泉茫茫歸不得來婦戴  
有姑提有孩三解婦不惜吞辛與嚙苦家貧猶日可奇荒奈何  
許姑無翁兒無父舖之餒之飯在釜婦也前日昨日兩日餓今  
日糠粃和菜煮四解明年疫大作里巷蕭條但聞哭聲鬼出鬼  
入人不得行金幢玉節雲中有倏忽靈光照窓牖諸神來衛節  
婦節婦之名傳不朽五解于今子又生孫朝廷檣棹旌門人  
第見垂垂白髮笑語温不知霜熬雪鍊當時痕我請壽母進一  
言洞庭山太湖水大節同垂木瀆里一寸冬心常不死梅花之  
香只如此六解

題戴春塘孝廉聽鵬圖二首

丁丁樵斧此時閒賺得詩人數往還第一春聲來較早四圍喬

春風惱我試鶯天拋却西湖十里煙一路雜花飛不住有人正  
放總宜船

元張來儀待月聯吟圖宋芝山同年屬題并序

按仲賢詩序云至正癸未余待選春官同年而調者建德錄事  
判官利賓顧公蕪湖尉彥恭趙公黟縣簿帖木公與余共載南  
回中秋夜泊舟清平之魏家灣雲靄晦冥蟾影蒙密停舟坐待  
者久之聯句賦詩興復不已諸公乃以香霧雲鬟濕為韻各言  
其志童子楷侍尊俎亦預焉余分得濕字姑述鄙懷以成數語  
歛曰赤城陳淵圖中歛云張羽為仲賢作則仲賢者淵之字也  
其曰利賓顧公者名觀丹陽人仕元為星子尉流寓紹興其詩  
編八劉仔肩雅頌正音曰彥恭趙公者名肅吳興人文敏之孫  
也曰帖木兒者不詳其人曰楷者即其子也清平縣屬今山東

東昌府爲古貝邱地水經注灑水西歷貝邱昔晉侯宴齊侯曰  
有酒如灑卽指此水也張來儀名羽以字行更字附鳳號靜居  
爲明初四傑之一其畫胎源米家父子能超諸蹊徑之外是幅  
雲氣欲脫月華若流草樹帆檣掩映蕭瑟可稱神品仲賢書亦  
得吳興三昧而譜錄不載其人僅附此圖以傳爲可感也畫末  
有瞿石齋記四字卽乃常熟瞿忠宣公印記

江南棹返陳仲賢待月夜泊清平船三人者友一子侍吟詩各  
有佳篇傳靜居圖乃後時補光景恍追從前是日中秋月慘  
淡牛毛短樹蒙寒烟估檣矗矗千百計已罷燈火篷窻眼深闌  
少婦夢不到不知何地蟾蜍圓雲鬟香霧倏在眼丹青寫出詩  
中緣前山沒雲後山出青蓮花瓣浮娟娟月來不來風露裏人  
去未去鷗鳥邊吳歌咫尺行可聽感我觀者羈幽燕魏家灣口

有正味齋詩集卷十一目錄

錢塘 吳錫麒 聖徵

重夢集下

春雪二首

吳越錢忠懿王金塗塔拓本覃溪前輩屬題三十二韻  
閏二月二十八日孫如淵比部招同毛海客大瀛張亥

白問安船山昆季王鐵夫芭孫徐心田明理徐朗齋

集櫻桃傳舍船山卽席爲圖并題詩其上余次其韻

題王香圃麴書讀書秋樹根圖

題張亥白孝廉海天秋之圖

同劉芙初嗣縮倪米樓栢孫游積水潭

秦節婦詩

題郭頰伽唐水村圖二首

蒿燈曲和王葑亭給諫

鬪蟬蟀限豪字

墻下種秋花口占三絕

同人重游積水潭四首

宋芝山仿米家山水

八月十四日查小山有折招同人載酒出右安門至草

橋飲于丁氏野圃八首

哭倪小迂表弟

陳肖生嵩招同余秋室宮允集家山尊孝廉蘇張亥白

船山昆季集筆華墨雪之軒  
九月一日廿四日詩御立飲招賞益桂

崔青蚓浴神圖

九日同葑亭蘭圃亥白船山小山關鶴舟甥世勳重集

丁氏野圃以菊花須插滿頭歸分韻得插字

題戴春塘訪秋圖二首

李墨莊新葺書齋題曰愛日吾廬索詩

送郭頰伽下第南歸

送窮圖為張船山作

題元人水村圖二首

朱蕪齋孝廉榮朝望嶽樓圖

醉司命辭分得三言體

除夕前一日船山招集懷人書屋祭詩二首

老友謝陞瞻廷燮來京赴千叟宴於其歸也賦詩為別

雨中退直

慈雲寺後尋宮人斜故趾

澄懷園消夏雜詩十首

陳肖生畫梅歌

十國春秋小樂府

吳

南唐

前蜀

後蜀

南漢

楚

吳越

有正味齋閣集卷十一

荆南

北漢

小雪後一日雪後陳伯恭同年招集井養齋同用壁間

東坡武昌西山詩韻澄遠映暝色人斜飛土銜香添

題時帆祭酒法式善雪窗課讀圖

雪此東風殊可憐秋過花信裏夢失草痕邊關塞塵沙

對月二首看驢背倦寂寞袖吟鞭

吳越錢忠懿王金塗塔拓本單溪前輩屬題三十二韻

天越當年事杭人易感君券文迷鐵繡塔製辨金塗渺渺經子

武棧棧判八師寶光騰燈燭翠墨拓縹緗押覺雲濕被同貝

集朕法輪尊河自空氣

錢塘吳錫麒聖徵



慈雲寺後尋古人行故址

澄懷園消夏雜詩十首

陳肖生畫梅歌

畫

觀報地祭賦

東坡瓦昌西山精館

小書對一日雪好則自恭同半時其共養齋同用盤開

北對

樓南

有正味齋詩集卷十一

錢塘吳錫麒聖徵

重夢集下

春雪二首

滿眼楊花急。寥空雁影稀。寒光澄遠映。暝色人斜飛。土銜宵添

火。茅齋晝掩扉。相思故園侶。沽酒趁蓑衣。

老鬢已如此。東風殊可憐。愁過花信裏。夢失草痕邊。關塞塵沙

雜。江湖霧雨連。早看驢背倦。寂寞袖吟鞭。

吳越當年事。杭人易感吾。券文迷鐵繡。塔製辨金塗。渺渺經千

載。稜稜判八觚。寶光騰煜燦。翠墨拓模糊。捫覺鬢雲濕。披同貝

葉腴。法輪尊阿育。梵像變休屠。活畫婆心熱。生開佛面癯。人天

驚慘淡鷹虎伺剗卽物呈諸相觀空悟此軀坐來雙樹淨禮  
罷一燈孤日下催新咏錢塘夢舊湖王家宏夙願沙量紀浮圖  
匝地神爲守同時日可摸莊嚴分種種輕重等銖銖象教慈悲  
託龍宮富貴俱能將刀放下肯有賦追呼長養菩提子圓成舍  
利珠綵繩留後驗錦樹換前模民懼干戈及君先版宇輸宰官  
身偶現菩薩力相扶北闕恩誠濕西方證不殊山河餘幻影宮  
殿付荒蕪綺陌歌全歇銅仙淚亦枯斜陽紛瓦礫好事起菰蘆  
誦演傳衣侶談徵考古徒楊枝先漱齒芋火共圍爐詎比黃妃  
卓常供白石娛婆留稱或誤顯德据非証記可慙山續文經秀  
水摹問年仍乙卯塔爲顯德所造至今年乙卯  
蓋七十五至八十四甲子矣閱世只須與花雨飛空  
有潮音入耳無皈心功德海合十誦南膜

閏二月二十八日孫淵如比部招同毛海客大瀛張亥

白問安船山昆季王鐵夫芭孫徐心田明理徐朗齋嵩

集櫻桃傳舍船山卽席爲圖并題詩其上余次其韻

小院櫻桃記昔栽地舊爲歌者  
陳郎所居先生今日又尊開颯空風雨驚飛  
弩八畫江山付點苔前事不堪因酒說此花曾折下階來一番  
春絮催離緒莫認西天雪作堆時聽海客談  
征塵爾客事

題王香圃磨書讀書秋樹根圖

似可呶唔聽相尋秋色中好書吾眼豁老樹此心空苔坐不知  
冷葉翻微有風月來高頂易太息待吟蛩

題張亥白孝廉海天秋泛圖

甘諸龍眼將安求海南學作東坡游扶胥渡口挂帆去射狼山  
下西風留歸來乞圖何王子椒落筆已得胸中秋茸茸有樹點  
有葉簇簇者沙界者洲其東傍岸船早泊其西接海天俱浮天

將盡處畫不了。劃開海色當中流。潮來四面風助勢。蛟龍與客同清謳。笙鐘雜沓鱗甲動。日月晃漾義娥愁。蓬萊一夢咫尺耳。笑視天地吾猶鷗。卽今五年行萬里。寒青壓囊濕未收。霞梭欲換鮫女錦。雲幙尙認仙人樓。桃榔葉銘定能記。王子木杖誰當酬。長安風雨談不厭。夜起翦燈呼子由。謂船山

同劉芙初

嗣緒

倪米樓

稻孫

游積水潭

壤牆三面缺。短徑一條斜。新水長荷葉。積陰開薜花。無人分野席。此地合漁家。便約涼筩折。還煩濁酒賒。

秦節婦詩

寒飈健寡鵠。朔雪榮女貞。所挾金石志。終古相拄撐。十一學織素。十二解作羹。十三善縫裳。手線縱復橫。貧家少塗澤。窈窕面笑生。小孰教誨。舉動禮意盈。自門門戶微。敢望百兩迎。十四

爲小婦婉婉供使令。大婦久病牀。井臼勞經營。但得良人心。何惜我力并。良人我所天。忽忽病復櫻。但贖良人身。何惜我命傾。顧影那得傍。天平忍笑笑。三載到君家。有女啼嗷嗷。嗚呼一塊肉。痛絕使我生。奈何述遺命。不達區區誠。東家有嬌雌。宿淚未拭睛。朝聞媒作合。暮聽笙歌聲。西舍有發婦。履箱奴子擎。街嫁苦不售。一夕身自呈。禮意苟有訐。人禽競飛鳴。生死無苦樂。所重正路行。殉身妾之志。悔禍天之情。誰知千鈞繫。正仗一髮榮。明年大婦卒。身請爲程嬰。婦兒我主兒。我女之所兒。有女任匪重。有兒責不輕。哀哀柩在堂。慘慘書在楹。斜陽下學天。候兒返柴荆。願兒能力學。願兒早知名。家貧類我家。有困當有亨。十一學織素。不願天欲明。于今寡女機。夜窗伴書檠。十二解作羹。不羨魚可烹。于今巧婦炊。隻手撈空鐺。十三善縫裳。不喜刺作精。

子今補。禔。褐。天。吳。倒。蓬。瀛。食。茶。已。如。薺。食。藥。還。如。錫。艱。難。四。十。  
年。兒。大。女。又。甥。可。憐。眼。欲。枯。得。見。婚。嫁。成。婚。嫁。尚。瓊。瑤。努。力。營。  
先。塋。松。楸。生。異。色。鬱。鬱。完。佳。城。只。此。十。指。血。竟。敵。千。人。英。柔。姿。  
本。葛。藟。上。踐。樛。木。盟。遂。登。輶。軒。采。遂。受。  
朝。廷。旌。閭。應。表。行。義。臺。應。築。懷。清。太。湖。洩。可。竭。君。山。剡。可。平。卓。  
哉。節。婦。節。日。月。垂。光。晶。我。詩。欲。附。傳。愧。非。瑤。與。瓊。反。覆。作。苦。語。  
風。雨。酸。三。更。

題郭頻伽水村圖三首

天。暝。漁。唱。生。鷺。鷺。飛。上。樹。船。自。前。村。來。還。繞。後。村。去。  
青。蘆。低。處。曉。雨。黃。葉。明。邊。夕。陽。繞。屋。須。添。修。竹。轉。灣。先。識。垂。楊。  
魚。苗。種。罷。插。秧。回。鰕。籠。收。時。踏。浪。來。畫。裏。煙。波。塵。裏。夢。此。身。愁。

白鷗結

蒿燈曲和王封亭給諫

明。明。滅。滅。星。不。稀。閃。閃。燦。燦。螢。亂。飛。蓬。蒿。作。柱。香。作。燭。照。見。薛。  
荔。牆。頭。衣。一。兒。肩。負。循。牆。走。羣。兒。各。出。爭。先。後。不。愁。圓。月。落。雲。  
端。只。怕。尖。風。生。鬼。口。酸。文。正。唱。人。間。哀。踏。燈。仿。佛。靈。之。來。蒼。茫。  
十。里。陰。火。合。紙。錢。捲。入。團。團。灰。一。年。一。放。光。明。好。故。鬼。漸。稀。新。  
鬼。老。荒。郊。苦。欲。化。燐。歸。身。是。曠。饜。眼。中。草。兒。童。狡。獪。筆。拓。工。凌。  
空。旋。轉。搖。虛。紅。尸。陀。畫。出。拔。河。戲。冥。伯。舞。上。高。竿。風。螭。花。旁。颯。  
新。荷。葉。蕩。漾。明。珠。光。又。接。直。到。三。更。露。氣。迷。滿。地。白。煙。寒。帖。帖。  
香。光。零。落。漏。聲。殘。人。鬼。分。送。去。渺。漫。樂。府。更。聽。蒿。里。奏。秋。墳。還。  
守。漆。燈。看。

鬪蟋蟀限豪字

仙。蟲。傳。舊。社。壇。坵。亦。爭。高。殺。氣。乘。時。旺。童。心。爲。爾。豪。跳。身。行。趨。

趨側耳聽嚶嚶籬落燈煩喚。牆根鉤自操。選材從瓦礫。得意出蓬蒿。休沐冰兢託傳餐。雪粒叨介雞。差類季相馬。幸逢暴剋日。分朋局連檣。聚客艘戎真。由戲召力欲。與秋塵未奏。中軍鼓偏。磨上將旄人誇。虓似虎公請。嗾夫藝。勇敢先聲奪。仇讎狹路遭。登臺看搏噬。橫草策勳勞。取勢斜張翼。如神憤運尻。漫云姑剪。滅祇必後號。叫再上徒懸。布三周竟伏。豸蠲全塞失。蠻觸一。運逃。知己甘。酌死成功合。受喪牙。鬚矜此輩。機械感吾曹。蛙怒。終何益。螳撐那不撓。錦標爭目。曉金注。擲波濤。萬古雌雄判。餘。逐日月。滔寒衣。催迫促。落葉送蕭。騷葛嶺斜陽。在西風。首屢搔。

牆下種秋花口占三絕

詞了負釋賣花肩。送與秋花值百錢。紅穗碧花都種了。清吟先

一三絕

上番新栽竹幾枝。稍稍葉葉弄風姿。涼花借與相假。傍翠袖紅。標露下時。

虛棚纔捲透天光。浴罷絺衣立晚涼。照得一叢深色異。近牆匡。處有斜陽。

同人重游積水潭四首

短垣斜轉徑通幽。老樹如油綠上頭。纔得西風吹幾度。蟬聲忽。報十分秋。

闌干曾與故人期。可惜重來我已遲。風葉披披喧不定。一花涼。到退紅時。

煙寫青林分外寬。飛來片雪不知寒。鷺絲最是風標好。說與詩。人仔細看。

吳儂鰕菜當生涯。此地曾聞住釣家。昨夜收筒風露裏。一枝折。

損水蒨花

地有蝦菜亭故止

宋芝出仿米家山水

淋漓元氣在筆先驅之紙上成雲煙嵐光愈近山愈遠幾朵踈透如浮蓮寒苔濛濛點有數雜樹落落枝無全層封疊鐵屢回轉直到水口青猶連踈簷落影人不見半壁已暝斜陽天人言米法此具足我意且出荆關前大江十日風雨急知有神物來蜿蜒波濤負石走昏黑巖壑倒影生清妍武昌樊口幾得生好夢忽失篷窗邊道摹風景幸無恙與我觀者皆因緣明年茅屋仿圖裏從子榜之書畫船

八月十四日查小山有折招同人載酒出右安門至草橋飲于丁氏野圃八首

幽懷不覺出城深橋裏人家權外尋水有三分雲一面菰蒲涼

處起秋陰

青荷葉壞荻初花水鴨衝波鷺拍沙若較江南風露裏對溪只欠響魚叉

不見題詩白石仙舊游重到一酸然垂楊似我荒寒甚閱歷西

風二十年記丁酉秋與費所耦堂去南雷同為草橋之游今二十年矣

戶戶栽花似馬塍叩門花底主人膺酒瓶幾箇文牀穩借與老

夫眠可能宛然大酒肥魚社各具壺觴各主賓占得一方苔最厚綠濛濛地坐詩人

天與吾儕展畫屏放教醉眼望中醒涼鷗臺上多秋色直接西山一路青

園亭何止一莊荒風脚蕭蕭草有光黃蝶不知懷古恨故將金

粉賽斜陽

霜華容易鬢邊催。那不隨時笑口開。敗葉一爐煨酒好。重陽風雨亦須來。

哭倪小迂表弟

驛路三千夢不真。紛紛落葉亂蕭晨。西風最易催愁鬢。又到秋來哭故人。

難憑玉鯉致相思。酸到心來淚已垂。一樣新霜涼意味。橘枝酬

倡少年時。記戊子與小迂約為詩會。有橘枝詞。前唱之作。

哭子詩成痛阿翁。眼花頭白坐書窮。禮堂幸有傳人在。寫定先應付小同。時尊人嘉樹先生方患目疾。小同謂分予米樓。

陳肖生嵩招同余秋室宮允集家山尊孝廉鼎張亥白

船山昆季集筆華墨雪之軒

津門船到促持螯。同巷先教此席叨。冷宦光陰宜酒食。秋花情

味在離騷。斜飛露脚宵方永。恣寫霜蹄氣亦豪。老筆但須閒點

綴。楚天彌望碧雲高。船山于酒後畫馬秋室畫閣。

九月一日廿西園侍御立歡招賞盆桂

扶疏宛對小山樹。密坐何辭百罰杯。香處便疑家已近。影邊如

有月先來能添酒。味曹騰醉誰念仙株。鄭重栽惆悵。廣寒難得

到。寬裳聽罷一徘徊。謂秋閣主試諸君。

崔青蚓洛神圖款云甲戌中秋崔子中為破哉。盟兒圖後有董香光書。丁二行。

渺然涉雲水。勢若游龍翔。清姿結窈窕。雅步流珩璜。忽忽縱體

嬉。翩翩桂旗旁。靈風展衣肅。飄瞥馳神光。中流獨延佇。要眇誰

相望。所藉微波通。恨無良媒將。往悵託瓊瑤。來情眷明璫。霞升

雪迴舞。煙墨同飛揚。彷彿衆靈集。非瀟亦非湘。始知造化筆。開

合迷陰陽。畫禪室何年。神瀆拳餘芳。鉛華亮勿御。綽態殊可方。  
古人與偶寄。冥觸相思長。匏瓜嘆無匹。從之阻河梁。

九日同葑亭蘭圃亥白船山小山暨關鶴丹甥鮑重集

丁氏野圃以菊花須插滿頭歸分韻得插字

登高例茲辰。謀野趣不乏。樹頂風乍生。草頭露方洽。微陰幕張  
油薄冷衣換。袂去郭五里長。過橋一徑狹。蹶蹶踵後塵。活水通  
前牖。溪黃被葉擁。岸白受蘆夾。拍拍羽搖鷗。嗚嗚聲過鴨。平生  
慕柴桑。此境逼茗雪。村居樂蓬茅。圃事利盤鍤。其中抱舊人。能  
解執花法。取肥陳根因。芟冗細莖。招辨種同辨。苗防蠹似防。劫  
開時入市擔。餘者繞籬匝。千箱足穀翁。萬戶封侯業。蓑袂幸許  
交塵脚。不嫌插霞圍。面面當苔坐。團團怡安用。苛禮拘最喜。情  
話狎輪囷。蟹選螯。織軟菜挑甲。饒舌笑徐咀。枯喉快先呷。轟飲

大白浮。拇戰小敵怯。英就杯中餐。香取頭上壓。落帽故事徵。題  
糕險韻押。感今牒屢遷。訪古衣更披。柳敗堂寂寥。鷹去臺崢嶸。  
營成累蟻封。管過熟羊胛。涼蝶徒翩翩。吟蛩自鏗擗。水調無入  
歌。山肩向誰脅。幽夢繞江湖。閒身閱裘箠。斜陽澹半林。歸鳥催  
一霎。畫本急須摹。瘦影幾烏裕。

題戴春塘訪秋圖二首

蟋蟀籬根花自開。秋山隱隱側肩來。酒瓶亂臥斜陽裏。已有詩  
人醉幾回。

獨行不覺入林幽。絳葉翻翻隔水稠。忽到殘霞最明處。野風吹  
緊一天秋。

李墨莊新葺書齋題曰愛吾廬索詩

此廬原偶寄。吾愛卽吾廬。新月蕩搖酒。好風開闔書。相思故園



隱自樂青山居。定有詩篇寄明年春草初。謂合兒杭

送郭頻伽下第南歸

落葉不可已。雁聲寒滿天。江南正秋色。之子出幽燕。風雨長途感。魚龍極浦眠。回頭看楊柳。離緒總紛然。

送窮圖為張船山作

柳車班班可以登。噉糟草船拍拍可以凌。波濤貧兒村裏久已送渠去。胡為面目黧黑又在風塵遭。羅家老畫師鬼趣胸中鑿。酒腸芒角不可耐。放汝暫出人世相。嬉敖但見蒙頭跂足非四。又非六。烟馳霧騁亂舞風颼颼。可憐昌黎公。首低尻益高。殷勤致禱祝絮絮。還叨叨。張公子對之心鬱陶。攜來示我軸不韋。遊我題詩託鬼抽霜毫。我張素壁上。黑夜慘淡長冰號。顛倒逞技倆。謂我柄可操。我不能軟語媚爾曹。爾莫先笑終號咷。家無擔

石蓄意氣偏粗豪。書城餉我致百牢。酒國坐我麾雙旄。皎月代華燭。涼風戛仙璫。身披白也宮錦袍。珊瑚竿上釣六鼈。眼前廓廓天地小。笑俯爾輩真猿猴。不用斫度索。桃不用解龍伯絛。爾如跳梁作妖怪。但請試我封經抉史百鍊之神刀。不然捉却好配新。麩醪為糧。便供黃父飽。作鮓可解鍾馗饕。鬼聞啾啾泣且嗥。書生作計真難撓。不如各擇東家西家逃。東家歌舞競絲竹。西家酒肉騰腥臊。銅山金穴有日埋蓬蒿。特許我輩結隊同翔。翔陰寒颯然過。白日明亭臯。畫中但贖墨迹如牛毛。招呼張公子。同過持霜螯。牆匡辟荔吹不盡。一卷醉讀騷人騷。

題元人水村圖一首

青林初落潮勢紅。樹微添醉痕。人家多住雲裏好。箇江南水村。舊圖松雪堪仿。小印方壺試尋。欵識煩題。雁字蘆邊吹出秋心。

朱約齋孝廉 榮朝 望嶽樓圖

萬壑接冥冥。高樓擁畫屏。蓮花當戶秀。松氣入天青。瑤唱偶然發。玉笙如可聽。雲中一招手。咫尺晤仙靈。

醉司命辭分得三言體

歲告宴。景急馳。臘鼓奏。錫簫吹。髻之靈光揚。姓朱衣。舉肅若。颺。翩然下。顏玉芝。薦黃羊。清酒醜。燭蕊蕊。丹涕脂。神用享。侯吉時。踞厥觚。誰媚之。糟為邱。麴為壘。芬之脩。展靈祀。神奄慶。歌醉止。幄流光。神載起。垂陰陰。茂汝祉。臚嬌孫。夾媚子。掖以趨。旗繚纒。狝天門。乞利市。萬突烟。渺雲水。

除夕前一日船山招集懷人書屋祭詩二首

一年祭汝一年非。且喜朋尊興不違。酒味半攙吟味入。燭花全雜墨花飛。鴉塗疊疊刪會屢。荀束尖尖譏豈稀。但肯皈心買島

佛何妨今日乞傳衣

墨汁淋漓幾斗俱。一生心血早愁枯。有神莫學頭相責。此會真成尾畢連。慚愧歸田虛舊約。尋思摘句寫新圖。馨香只在齋鹽裏。五十年來一故吾。

老友謝陞瞻廷變來京赴干叟宴於其歸也賦詩為別

春風故國勸行驂。日下耆英喜盍簪。卅載我曾陪硯北。一星君已應弧南。情深憶每童心觸。恩重歸和老輩談。此後好憑靈壽杖。真形五嶽按圖探。

雨中退直

禁苑烟光重。冥冥雨暗飛。春風吹著樹。寒色近生衣。膏澤漸及韶華漸不稀。自公歸最暇。剪燭更書幃。

慈雲寺後尋宮人斜故址此為明時葬宮人處

春詞卷一  
一  
吠蛙喚客招提入。徑轉牆根陰氣襲。古柳通鑑。蟲篆明暮花。傳  
掩蘿帷泣。傳聞此地葬宮人。瘞玉埋香最愴神。漠漠灰留千古  
劫。茫茫鏡闕一奩春。當時新被良家選。強步丹階猶細覘。稱體  
紗經淺絳裁。承虛淚訪餘紅。泣委身從此隸長秋。踏草攤錢不  
自由。屈膝銅鋪半閉合。守宮麝印在綢繆。外家何日承恩澤。麗  
色翻嗟投火宅。千種楞嚴仙趣稀。一條銀漢星期隔。石榴剖子  
子多酸。黃蘗染衣衣未乾。裝學內家纒有樣。絲如寡女已愁彈。  
催人容貌今非故。長信長門春幾度。那有黃金賂畫工。肯容紅  
葉傳詩句。鉛水澆殘夢不成。涼風早在殿西生。竹枝未許羊車  
引。日影難從鴉鵲爭。初心本爲門楣計。惜寵憐私奈何。帝素面  
聞封號國姨。新聲又進延年弟。香霧空濛月乍懸。清歌唱到洛  
陽橋。遙聞隔院添龍笛。遙想當墀顛鳳舞。傷心獨看階雙發。閱

歷寒暄。忘歲月。舊人天寶贖書娥。樂府上陽嗟白髮。曾憶齋宮  
盛禱祈。半空權火望熹微。將身願作延年藥。當直還披拜斗衣。  
有時更換慈寧侍。得見九蓮親頂禮。苦惱明知已往因。慈悲欲  
問西來意。亦有恩情往日專。一朝失意孰爲憐。投竿痛哭前魚  
棄。掩篋淒涼故扇捐。翻雲覆雨徒延佇。警夜提鈴歷酸楚。秦苑  
空羈卅六秋。唐宮誰放三千女。骨削香桃瘦可傷。玉魚無復液  
生涼。青霞室裏辭同伴。金粟堆前認故鄉。北安門啟靈風颯。一  
具銅符倉卒合。野火吹回螞蟻墳。情絲晉住蜘蛛塔。年來宿草  
長萋萋。過往中官見亦迷。幾褶羅裙飄蛺蝶。一盂麥飯欠棠梨。  
沙彌導我穿荒綠。子夜如聞歌響續。往例難援瘞鶴銘。舊聞合  
補焚椒錄。卽看陵寢亦誰家。一樣垂楊有暮鴉。十斛冷螢無照  
處。瓊花吹上玉鈎斜。

澄懷園消夏雜詩十首

蓬萊深處共簪毫休沐

君恩許特叨閒看南風千萬樹

車馬紛紛那到眼正須來就水

湖踏浪兒

萍面蝦蟆禪子語草根蚱蜢女

風觀化機

昨日前日花尚稀今日花多錦

氣擁靈如

滴滴流泉酒壓曾劇憐風物水

渠能不能

水紋簾捲寶車輕

半空吹上綠雲高

邊嬉撈鯁捕鯉快儂意身是江

兒衣南華齊物已能悟獨立晚

窗增藕芽菱角皆清供詩味似

我與荷花作生日三更明

瑤搖

谷圍一夜月明人不到雲光水

不如南北東西遊戲去此身真

涼乘幔紗小隔蚊成市書葉亂

電窗龍公贈我還鄉夢風浪一

朝趨聳肩一鷺灘

立如畫先

月可須邀

露華傾瀉綠盤餘萬葉香來花

欲夢為魚

大暑新交溽氣蒸幽人偷得晚

翻螢作燈

單衾乍醒霹靂酒矮屋全明閃

舟橫大江

水漲池平浪泊衢衝泥幸免早

生退直圖

陳肖生畫梅歌

陰陰對面東蛟立十指捫時寒

向枯毫入春風一吹成一花萬

花頃刻花身遮惜無脩竹和香

夾爭得明燈取影斜。面分向背。神先得妙處。有時忘筆墨。與酣  
大叫梅花玉。捲作春空白雲色。京師花窖無好枝。繫縛盡假人  
工爲小盆。日供豪家。翫高格。誰知江路奇。肖生甘比野。堂野閉  
戶。寫花知者寡。嚼得難充仲子糧。賣來且醉田家瓦。瓦盆招我  
共一杯。明月皎皎杯邊來。几頭多是橫枝落。卷裏能催薔蕊開  
我家西溪花不少。是水是山花徧。遠宛似開君畫本。寬但愁欠  
我扁舟小。我夢扁舟已水濱。正須料理欲歸身。明年燒燭高樓  
看深雪。垂垂憶故人。

十國春秋小樂府

吳

卅六英雄草間起。帳下不防東海鯉。自古興亡有如此。君不見  
李花風逐楊花風。前隋宮後吳宮。

南唐

宣城筆歛州硯。澄心堂紙白如練。累朝文物數江南。昇元條竟  
無人諳。殿上傳呼新進士。江頭已縮黃花水。

前蜀

玉女出鹽井。兔子上金牀。王八作賊。竟作玉青城。山唱甘州曲  
誰聽嘉王酒。邊哭山頭石鏡磨。已新今朝照汝入草人。

後蜀

一棒毬場呼孟入。宣華苑中符瑞集。轉眼興亡兩袋及。朝天髻  
子官中梳。長春佳節來三呼。趙主趙民天意耳。莫怨世修降表

南漢

內三公女待中。小南強但吹雌風。森乃山挺劔。樹生地獄愁無

活處一方塗炭悲蒼生羊頭二四識早成大梁布衣待爾往後  
來李煜前孟昶執挺請作降王長

楚

日思食五十雞夜思御五百姬天策府學士馳羽林隊銀槍嫺  
武安小兒降表送鉅杜功名飄一夢楚天回首啼小東望不見  
碧湘宮

吳越

龍飛鳳舞待錢來金書玉冊三樓開不肯閉門俸天子又安肯  
填西湖水四世五王享祚長再生猶不忘錢唐惜哉半壁徒殘  
陽

閩

甘棠港德政碑白馬三郎來何遲九道張翼鳳求凰東華宮中

燕又翔珊瑚寶椀檀楠梁何會麻屨思先王五十二年延國祚  
鼓打桃林禾倒樹騎馬來騎馬去

荆南

江陵一夜滿百洲渚宮幾日西風秋有子不愁高無賴有子但  
愁萬事休帳下趨持牛酒謁五來子聽新歌發石匣文言遇龍  
歌

北漢

朝稱姪夕稱男是何天子言之慚握君不助麾兵用午日筵開  
催解纓縞衣紗帽來稱臣不須怕見赤真人

小雪後一日雪後陳伯恭同年招集并養齋同用壁間  
坡公武昌西山詩韻

渴思十斛傾家醅七十畝秫何時栽西湖有田買不得夢魂空

繞秦亭梅比鄰陳遵誘善飲玉山不倒常崔嵬天公一白逞豪  
弄醉鄉已築封侯臺翹生風味殊可戀相喚洗我胸中埃燭光  
搖搖蕩杯底杯面凸作玫瑰堆長虹倒射快一吸此意恨不江  
為麴須與酒酣雪更亮轉似新月生牆隈尖叉頗記舊時句泥  
爪久沒當年苔詩人酒人幾輩在懷抱正合逢場開即飲尚愁  
白髮早不飲可惜朱顏催淋漓脫帽發狂叫驚起街鼓喧如雷  
夜闌欲別不忍別且約深雪還重來江湖襍被行有日征雁暗  
激空中哀

題時帆祭酒法武善雪窗課讀圖

堂外雪深知幾許堂裏微聞有人語謀書昔古歷冰霜讀畫今  
愁迷處所茫茫白雲氣包中間慘淡三間茅竹聲折處書聲  
應燈影寒邊雪影如麻果何曾雪花入母衣濕又兒書濕苦語  
哀吟不可聞夜闌併作啼烏泣兒今官貴母已徂夢中似母聲  
聲呼新篇纔得陶詩熟時帆四五歲時太夫人教以識字讀陶詩老屋誰知孟竹枯嗟君  
欲養親難待感我天涯二親在紅粟徒求薄祿供白頭只易衰  
顏改題君圖當別君詩曰歸曰歸吾有期遙思春酒高堂上定  
及梅花深雪時

雪

一鳥影俱絕萬家寒正同雲邊徐赴暝水外迴舍空捲入征塵  
裏吹回老鬢中邊關諸將苦可有蔡州功

對月二首

清光無遠近一鏡破空飛掬水乍盈手潑寒時著衣關山殊自  
闊砧杵未應稀惆悵刀頭約良人只夢歸  
江漢兵方駐旌旗影互翻照來紛戰骨挂處幾空村慘慘迴飛

集蒼蒼起嘯猿書生添髮彩望遠立黃昏



有正味齋詩集卷十一

有正味齋詩集卷十二目錄

錢塘 吳錫麒 聖徵

歸帆集

乞養將歸留別都中知好四首

三月十五夜張家灣對月作

舟次楊村程也園吏部振甲亦以請假南還追余及之

與訂聯舟之約即贈二首

西施乳十六韻邀胡城東唐同作

立夏前一日將游泰山自德州登車作

宿晏城

望華不注

張夏遇鮑雅堂戶部之鍾約同俗游



泰安道中望岱

自一天門至紅門坊

尋隱真洞遂達櫻桃園

桃花澗

從高老橋三里抵水簾洞

過歇馬嶺小憩壺天閣

度步天橋上二天門

虎埠石望徼來山

快活三尋小龍峪弄月巖諸勝

御帳坪

五大夫松

朝陽洞

對松山望兩厓松樹作歌

由新盤口經石壁峪遂上十八盤

登南天門

白鎖雲巖抵蓮花峰下作

泰山二首

出東神門遇大風過摩雲嶺

下獨足盤觀笥城至鳳凰嶺

游天空山訪黃華洞

夕投碧霞宮宿

岱頂對月同雅堂作

夜起觀月復成二首

日觀峯觀日出歌

由浴日亭上太平頂觀無字碑

東嶽廟唐摩崖碑

望吳峰

滌慮溪

下南山門還至快活三作三首

訪王母泉因至呂公祠

岱廟六十韻

任城舟夜讀蔣伯生因培烏目山房詩題贈二首

題錢竹西願清孝廉獨立蒼茫圖

黃河阻淺舟泊楊家莊者匝月以詩破悶六首

渡河二首

同郭虛齋均令弟厚庵莖蔣思退知讓家山尊游禪智

寺

舟至鎮江王夢樓師鮑雅堂戶部約為焦山之游

明日自京口驛放船至焦山

文殊閣

定慧寺訪借庵上人清坦茶話

焦山翫月歌

三詔洞拜焦隱君像

別峯庵

登吸江亭

觀音巖次石壁上宋人趙冰壺韻

舟次戚墅

立秋日過姑蘇

寶帶橋晚泊

此處有詩集卷十二  
寶帶橋晚泊  
...

有正味齋詩集卷十二

歸帆集

乞養將歸留別都中知好四首

春風吹草綠。此別黯難禁。十日故人酒。萬端游子心。宦途爭短  
夢鄉語助長吟。珍重枯桐在。平時有賞音。  
日日看星斗。高堂念久違。關山殊莽鹵。煙水得因依。前度原非  
計。今番始是歸。臨歧還忍淚。怕浣寄來衣。  
弟妹多貧賤。妻孥劇苦辛。徒教成薄宦。何計慰衰親。鷓鴣盟非  
急。燕鱸話豈真。好因腰脚健。負米及茲辰。  
折柳勞相送。誅茅冀可安。聽言增鄭重。卽事想艱難。高義真如  
古。東風不覺寒。歸先報知己。長幼喜團圓。

錢塘 吳錫麒 聖徵

三月十五夜張家灣對月作

惘然明月來尋人知我已  
是江湖身飄蕭照出破帆影  
窈窕入垂楊春垂楊何日會  
相識說與蟾蜍自能憶兩度  
清潭此泊船伴人歸去今難  
得東風搖搖水有紋水光蕩  
月如蕩雲此時此景天所借  
我與鷗鷺須平分三更月轉  
青蘆密好景生防眼前失停  
船手剪燭花吟聽得波心大  
魚出皎珠恍慨相吐吞空明  
激射蘆之根雙流盧白馳莫  
定星斗亂落琉璃盆舊時白  
月今還白今日歸人舊時客  
荷葉行邀水面秋桂花記臥  
山中夕征篷容易換漁篷明  
月隨人千里同瓦瓶酒綠不  
獨酌夜夜招之一笛風

舟次楊村程也園吏部振甲亦以請假南還追余及之  
與詞聯舟之約即贈二首

有約歸帆放明朝下衛河  
夜燈重誦兩春水正生波  
空濶宜鷗

鷺平安問薛蘿征衫塵已洗  
添上酒痕多

山水相逢易光陰欲挽難  
人情羞短髮棋局讓長安  
幹濟君方

健飛騰我願看此行聊假息  
莫便穩漁餐

西施乳十六韻邀胡城東唐同作

頗訝豚蒸乳翻憐姓冒施  
饞涎拚一箸密網費千絲  
白紵歌殘

後金詞褪山時吳趨應熟我  
唐突定愁伊荻笋調漁釜  
楊花潑

酒醒得看錢總值欲食指偏  
知宛有雙峰起寧輸七尺垂  
產沈

珠蒂蕾菽發玉葳蕤般比驚  
初蛻繡同雀乍披捧心連宛  
轉嘗

瞻判差池的的柔無骨溶溶  
滑勝肌效暈羞懶婦惜命斷  
嬌兒

視北懷前詠憶王寅同祝正堂  
食西施乳芷堂先生有五古一章  
余次其韻江南有後期  
葦蘿

千古夢烟水五湖炊鬢鬢  
逢偏晚勾留去為遲尚煩徵  
食譜纖

舌動相思

立夏前一日將游泰山自德州登車作

春盡不自覺。悄然客魂寫。憂賴奇游矯首靈嶽尊。蓬蓬風在  
頂。落落雲出門。發軔首鬲氏。遵途次平原。雞犬各在野。茅茨略  
成村。習常耳目慣。領異神明存。廓廓小齊魯。青入胸中蟠。虛空  
接真氣。冥渺窮元根。豈無飛車度。何假尻輪奔。津梁孰忘疲。證  
此獨往言。

宿晏城

匹馬尋吾宿。歸鴉送此程。月光低近市。人影瘦穿城。高蓋羣童  
僕。窮途仗友生。朝朝聽鈴鐸。惆悵執鞭情。

望華不注

羣山莽無次。遠近同相招。倉然落馬首。超忽明單椒。陰陽煉石

色。紫翠鬱不消。石石互向背。桀立勢各驕。盤旋上雲去。雲光爲  
蕩搖。碎作青蓮花。秀萼承丹霄。其下流泉注。取飲豐一瓢。三周  
惜倉卒。數仞迷岩壑。薜蘿倘有待。願逐樵夫樵。

張夏遇鮑雅堂戶部之約同岱游

一筇已判獨游身。覲面方知作合神。荒店數椽脩遇禮。名山千  
里待詩人。奚奴逐伴心先喜。村酒催沽話更親。好躡丹梯三萬  
級。去憑猿鶴證前因。

泰安道中望岱

翹企氣象尊。卽之若無朕。石色搖魂魂。到天猶未盡。真形莫大  
荒。奇響激虛牝。情隨去鳥馳。目受來雲引。直上訝捫星。通中狀  
蟠虬。漸見山面迎。陡覺風力緊。頗聞天門高。樓閣耀丹層。寒姿  
羅柏栝。靈藟富芝菌。仙真所往來。縹緲駕鸞軫。明當從之游。高

寒我能忍

自一天門至紅門坊

塵境倏已隔。矯首思摩天。透此青一重。衣袂搖翩翩。苔光掠面。上雲氣。臥道邊。關無虎豹守。梯許猿猴緣。凌虛足方躡。眺迴目。屢延奇石落。寒影倒捲成飛煙。人從烟際度。露自石竅穿。中階接縹緲。樓閣相鈞連。便疑之帝所。咫尺紅霞鮮。

尋隱真洞遂達櫻桃園

呀然林扉開。紛若羣真會。靈氣鬱芝房。清風嫋蘿帶。笙鐘合一響。鸞鶴闕萬籟。其下翳疎篁。其上覆古檜。冷冷滴香乳。泱泱通翠瀨。還問櫻桃園。仄徑穿蔚蒼。花過留餘寒。葉長潤鮮鬻。黃鳥時來鳴。子已赤珠大。

桃花澗

松竹之所交。一澗激其內。白雲隱人家。了無雞犬吠。何必桃花開。流水正堪愛。

從高老橋三里抵水簾洞

幽響不能已。流泉若導人。長虹亘百尺。遠勢通天闔。俯瞰逼虛空。慘淒我神雲。石踐破碎履。為生嶙峋。縱橫蹙波濤。不受荆關。敝北繞石經。峪員誦真言。真山花開正繁。中蘊太古春。亭午側羲軸。餘寒束巖神。想當滌滌時。懸溜傾如銀。飛騰草木怒。偃伏蛟龍馴。聊茲一瓢試。因風滌煩襟。

過歇馬嶺小憩壺天閣

東西蠹崢嶸。羣峰拱而從。開闢如何年。青裂天一縫。中間夾溪流。冷若白雲擁。龍形轉更蟠。馬力絀莫縱。逡巡高閣登。清談洽茗供。悅道寧敢畫。懷新已爭貢。松尋前代看。栢賞近時種。近康茂園

藩伯補種柏籃輿易頽肩衣濕風翠重

度步天橋上二天門

十折復五折路曲翠屢迷寥寥人罕逢蕩蕩天為低耳目逼象  
緯衣裳拂虹霓直上騁颺路旁尋隱樵蹊神鬼所剗削陰陽莫  
端倪荒怪愁虎出陰寒失禽啼空中俯見影絕處陡置梯松高  
但藏雲石滑不戴泥客如戒陟險此足安容稽

虎埠石望微來山

齒齒莫敢捫眈眈儼相視伏草良自韜沒羽定誰俟偉茲萬象  
該隱若方寸起呼號挾風雷顧盼渺雲水俄然蒼翠來迎面一  
峰峙作勢欲爭雄強顏終有此當其初覲時兀傲頗自喜虛空  
倏受壓俯就元氣裏峻極定一尊浩乎閱太始即看眾山小上  
上猶未已

快活三尋小龍峪弄月巖諸勝

僕夫既已疲歷險稍得夷紫紆盡三里坦坦心顏怡白虹互嬰  
華蒼鱗作之而松氣不到地寒若空水吹流泉相激薄珠又龍  
鬚垂其前一鏡圓誰共弄月嬉深壑含窈窕崇林隱欹巖欹巖  
行復回嶮冥不可知雲梯仰漢文鳥路盤一絲

御帳坪

聞道登封禮數尊周環御帳羽林屯天聲一路風雲接龍氣干  
秋草木蟠避仗尚教驚鳥散尋碑屢欲就苔荆翠華不返林扉  
閉孤負山靈屢望恩

五大夫松

倏驚風雨至絕壑有濤奔龍作當年祖松留後代孫漫嫌秦尉  
辱并少漢芝蟠借取青蒼在千秋溯本根

朝陽洞

天風吸有聲。空洞開石腹。中深含古春。面側受始旭。透此一線紅。照破萬苔綠。倒影窺猿狖。飛光閃蝙蝠。欲尋羽人居。誰抱白雲宿。嵌空孤樹生。闐然如出屋。我窺不敢久。霞彩紛眩目。摩厓尚有字。兩手捫欲讀。

對松山望兩崖松樹作歌

霓旌羽葆紛相從。蜿蜒夾道如飛龍。千株萬株不計數。只放天光青一路。東頭日出照西頭。影落虛空我欲浮。雲闔霧能通氣。并入長風亂濤沸。野鼠跳走山精逃。蒼髯一奮摩天高中間。老松力更大。直欲根穿兩崖破。石兼松格瘦逾奇。松得石腴老不知。時見松花飛。還聞松子落。禮斗臺前暗度鐘。鑽雲巖口新歸鶴。林深無人樵唱長。朝朝手掇絲茶香。雷威之材不可量。何

口絃之貢玉堂。哀音絕壑叫鳳皇。四顧但覺天蒼茫。松最青處日已黃。

由新盤口經石壁峪遂上十八盤

一綫空中盤。裊裊不能已。仰窺其接天。倒覩洞無底。苔光混始青。樹色浮太紫。陰森立四壁。窮勢出萬齒。中畫重累人。外垂二分趾。頂踵互相摩。形骸失所恃。繩攀升木猿。梯引旋磨螻。屢休彌齋神。積步漸移晷。孤懷良不窮。萬事會有止。鸞鶴群仙迎。笙鏞虛壑起。凌霄意在茲。雲氣踏如水。

登南天門

玲瓏闢閭闔。咫尺通天墀。回頭視下界。煙霧何紛披。松聲與泉聲。細作笙管吹。眾峯互奔赴。白雲離合之。隱見蓬萊樹。倒挂扶桑曦。長風蕩海色。綠我鬚與眉。神仙有丹藥。未許秦皇知。可憐



童男女飄泊無歸期。徒望金銀臺。巖壑相蔽虧。安期已千載。事  
往何由追。頗聞西王母。蕭颯生霜姿。春鳥空自來。桃花開何時。  
凌空發長歎。頃刻雷車馳。兩脚注東南。龍氣濛濛垂。贊此造化  
力。專賴神靈司。四海沐和甘。吾何慕紫芝。

自鎖雲巖抵蓮花峰下作

我從山脚來。處處受雲裏。行行陟峰頂。預想雲上坐。雲頭忽白  
空中墮。軟碧難禁大風簸。迷漫散滿山谷中。倒捲衣裳欲飄我。  
洞門何時開。嗒呀口先哆。隨勢吸雲雲入腹。裏氤氳出不能。  
攔門一片藤蘿鎖。其餘飛飛西復東。引蔓牽絲態婀娜。徐收殘  
影。過前峰。結就青蓮花。一朵道人留我坐。花邊細煮清泉拾松  
朶。仰首靈霄蕩蕩空。素威在右青瑤左。

泰山二首

背齊襟魯。齧屣顏未了。青收元氣間。雲出爭爲天下雨。日晴低  
見海中山。丹梯宛轉樵蹤躡。鐵索鈎連鳥道攀。松吹泉聲堪仿  
彿。蓬萊鞆鶴有人還。

風雷絕頂駭蒼茫。香案何年侍玉皇。人影半空移樹白。天門一  
綫挂河黃。甘心束筍卑鳧嶧。好事剝苔後漢唐。如練最關歸客  
意。側身東望已吳閫。

出東神門過大風過摩雲嶺

前峰未窮躋。後嶺已奔赴。一片摩雲心。挂向雲外樹。出門迷所  
往。風急亂煙霧。沙石走虛聲。草木騁餘怒。輿夫語相警。笠子手  
頻護。松濤倏過耳。松子吹滿路。飈回澗更鳴。色定神尚恠。衣裳  
漸覺單。積雪樹根涇。

下獨足盤觀筍城至鳳皇嶺

下下梯轉陡縹緲將何之行行拾危級獨足愁不支歷頂石欲  
落趁目峰自奇嵐迴曠景泣苔合雲光滋翡翠含鮮新琅玕疊  
參差空色亦成綠冥寒欲生漪更轉更幽曠灑然松風吹清泉  
激孤竅健翮排長遠竹實幸長成無憂鳳皇飢

游天空山訪黃華洞

偃松如有情幽語我能聽風枝歛生濤翠落不得定斜陽愁獨  
立撥草轉危磴深山闕餘春花拆寒乍醒高閣蠹玲瓏欲上訝  
無徑旁瞰仙洞深登真業先證金丹竈罷燒玉液泉失孕徒快  
游蹤攀終少道心勝藤蘿隔諸天冥冥發金磬

夕投碧霞宮宿

豈不暢游心亦復倦行脚暝色暗諸峰雲氣香一壑松杉所掩  
映殿宇互參錯遙望神燈投言踐道士約香火信有緣寢食欣

可託林風送疎絃石溜延素酌巡檐起徘徊華月已升閣明當  
尋紫芝夢且伴黃鶴

岱頂對月同雅堂作

不知天已近只覺月尤寒松影踏如水壑聲吹欲瀾一尊今夕  
共下界幾人看想像吳門練憑欄放眼寬

夜起觀月復成二首

萬壑清寒動薜蘿天門咫尺挂銀河羣仙午夜朝真去一陣松  
風頭上過

煙中九點望難分天語安能下界聞七十二君遺跡在照來寒  
草白紛紛

日觀峯觀日出歌

天雞喚我凌岩堦金鴉咫尺不可招大風吹寒似吹水九點但

見烟搖搖東雲忽挾西雲走眼底飛光蕩摩久萬象翻還混沌  
初一氣洪濛失星斗雷聲隱隱地軸開十層高築通霞臺羲和  
鍊魄燭龍鞞三躍乃出扶桑來金支翠蕤紛絡繹撐上珊瑚三  
百尺四圍漸放天宇青一綫微縈海波白羣陰解駁爭須臾一  
九端正升紅珠環瀛島嶼時隱見下方昏夢猶模糊峩峩只有  
中峰樹捲上虹霓翻石碎平視三山到不能千年壓折鼇魚背  
七十二君安在哉登封遺跡迷蒿萊徒看暘谷朝暎出誰悟桑  
榆夕照催我攜一杯酒直上凌玉京揮戈且止跋烏行興酣耳  
熱歌此曲回首大笑天公驚鸞吟鶴唳那可數隨風散作玻璃  
聲

田浴日亭上太平頂觀無字碑

日一規出炤爛亭之東清寒送衣袂來謁天帝宮棟牖生虛

雲羽葆揚靈風其墀納岱嶺突兀方寸中元氣所呼吸萬古青  
濛濛遂道登封臺事往苔跡空諛詞羞下土瑞應誣蒼穹何如  
無字碑不紀功德崇山鳥啼左右林花映春紅三日恣坐臥誰  
解摹一通

東嶽廟唐摩崖碑

怒猊渴驥識此形蘇齋昔者開滕肩余曾于翁學溪先生齋中見其拓本一千字蠹光  
熒熒動搖嶽氣浮窻櫺天風倏吹舊夢醒翩然而來歸步停嶙  
峴日觀生紅萍大書照耀百丈屏云開元載四海寧為民祈福  
虔致馨惟天惟祖昭格靈將茲後患求前型樵蒸焜上神降輶  
鈞韶鏗發帝所聆雲物告美風清洽禮成紀德臣說銘比禪云  
云禪亭亭御書深刻傳東海是時褒頌良可聽金鏡那復思九  
齡後心一萌天寶丁穀飛為蠱迷朝廷宮中王母醉綠醅殿上

高臥猪龍腥。竟寰曲未罷。小伶漁陽鼙鼓催。如雲青驢安得攜。  
娉娉梨花夢雨驚。淋鈴秦松漢栢隔杳冥。金繩玉檢棲流螢。十  
年蜀道嗟飄零。九點遠失齊州青。歸來南內同拘囚。求治可不  
先家庭。我請百本書。孝經我請一。頌思鵲鴿。

望吳峰

茫茫認吳會。杳杳隔斜暉。一抹烟如練。微看白鳥飛。

滌慮溪

抱琴人不到。悵望碧雲端。于此彈秋思。能令夕照寒。

下南山門還至快活三作三首

上山船逆風。下山泉決竇。輿夫騁疾足。得勢爭一溜。獵獵生風  
雷。草草竄鼯。馳旁睨目若。馳注視神矢。守寸步。偶勿防。葉落不  
可救。危青慘松杉。險翠眩巖岫。餘寒尚在衣。汗已洽之透。

諸天條在上。鐘磬接杳冥。四山來微風。吹動藥草馨。白雲自頂  
落。赴此一綫青。一重復一掩。遮列如畫屏。遠眺汶與河。細流渺  
迴汀。耳目快新獲。若忘向所經。往來迭相餉。何以酬山靈。  
出險已有時。涉境無不宜。栢風吹十里。翠活胸中詩。磴道漸豁  
達。樓閣增參差。微來展頭角。覲面復在茲。泉聲醒我夢。鳥語慰  
我疲。回視所來徑。雲石皆倒垂。森森以蔚蔚。翻林去者危。往踐  
積餘警。來情酬素怡。坦途儼相待。絲暑曾未移。茗飲且須滌。呼  
童拾樵枝。

訪王母泉因至呂公洞

靈旗翻窈窕。照眼斜陽殷。泓然一支碧。瀉自石竅間。雲香留活  
活。苔碧侵斑斑。時激寒吹聲。環珮鳴幽潺。神仙好遊戲。御氣周  
人寰。頗惜呂公跡。題詩沒榛菅。捫蘿騁餘踐。越澗窮幽攀。松子

落滿地道人門不關淒冥留莫久時恐蒼虬還

帝出方居首天齊秩表崇巖巖瞻廟貌蕩蕩仰神功一脈回長  
白千秋莫大東禮叨羣后異封視上公同往跡追軒轅真形壓  
華嵩遙參門乍闢清蹕路先通列雉裁隅壯重樓結棟隆寶階  
平帖妥繡瓦密玲瓏珠璧周遭映鸞鳳直上狎地開金碧界人  
指太霞宮黃屋尊南面青圭贊上穹冕旒垂若露葆羽肅生風  
游奕環諸將清真侍小童蠅蝓靈宇濶洋溢德符充往昔登封  
後流傳畫壁雄衣冠拂官柳旌旆出宸楓夾道欣飛隊前驅宛  
轉弓揮鞭馳列缺引轡走河馮鯨吼鐘傳警鼉鳴鼓奏逢從官  
盡良弼帝子自重瞳秬鬯陳殷薦樵蒸候合彤凌虛叫闐闐俯  
首陋崆峒

昭代巡元履

今皇道愈冲展儀懷抑抑飛藻吐能能萬物皆含澤羣倫藉發  
矇何曾矜瑞應只是

念鰥悃運量周遐邇精誠徹始終金錢

頰內帑土木酌人工晴見翔陽拱陰添積霽籠登臨殊空濶眺  
覽極崿嶮樹障排巖戶泉紳拱石拱風疑生頂上雲尚滯封中  
敢詡游能熟彌探境莫窮引人渾入勝卽事感奔滾降閣盤鷗  
鴉巡廊轉蟠蝻烟霾迷粉墨鬼物慘青紅變相紛如蜃游魂聚  
似螭象愁占貫索勢駭挾靈澤建伯專司冥分都儼豔艷蟲沙  
坐若輩鼎鑊豈天公蠢蠢情何苦森森膽易悅陰陽千古鏡蟻  
小臣衷爲有梟呼頰真成莽伏戎羽書前度急強賊至今訐  
古語誇三捷凶徒耐五攻瘡痍已荆楚轉徙及嶠嶂蠻觸爭寧

機槍掃合空那無洗兵雨遂散飲城虹震海塵俱靜蒼生福  
早蒙無災無疾癘起瞋起頑聾得賴彌縫密因承享祀豐康娛  
訓此願婚嫁畢吾躬短笠重遮竹寬鞋更策機碑年問猴鼠苔  
字辨魚蟲環詠亭徐訪題名石細糶飽伊煙九點拌我髮雙蓬  
衣待雲移白鉅留日挂銅但隨猿趨捷不學鶴裝氈後約期孤  
杖前程又短篷回頭青未了眼底散濛濛

任城舟夜讀蔣伯生

因培

烏目山房詩題贈二首

風波愁旅客無復奏清琴一卷開今夕千秋賞此心雲停親舍  
近花落堦深正憶燒燈處寒蘿颯颯吟

直欲千杯酒因君駐畫橈任城一夜笛風雨送瀟瀟亦有江南  
夢相隨紅板橋為傳詩句去明月唱歸樵

題錢竹西孝廉

履清

獨立蒼茫圖

一段蒼茫想象間隔林慙慙鳥飛還此中何處尋千古斜照忽  
然明四山別有孤懷難得耦只除吟思不能閒故園歸去如相  
問杜老江關髮已斑

黃河阻淺舟泊楊家莊者匝月以詩破悶六首

一石水積六斗泥獨漉獨漉橫齧隄游子天涯行不得黃河東  
去鷓鴣啼

千里孤雲縱目餘一封難得故人書加餐已自能珍重日日船  
頭斫鯉魚

十千難買甕頭春長日如年卯又申閒著長檣鐵鹿子觀河愁  
殺白頭人

好風催送客還家河伯偏慳水一擊河工量水以尺半為一擊打鼓發船驚夢  
醒草泥渾處叫蝦蟆

老柳傲傲風不休神祠賽罷夕陽收雲光水氣蕩搖久仰看魚龍在上頭  
青蘆掀葉忽鳴雨白鳥刷毛爭曬晴笑我亦如桑下宿最無聊處已情生

渡河二首

排空濁浪混東西氣捲魚龍雜昏迷使者秋風防瓠子幾人海口問雲梯憂心買讓籌三策努力王尊障一隄擬向真源覓消息銀河搖蕩挂天低  
馮夷窟宅動風雲隱控江淮遠勢分逆水傳來魚大上復陂除却鵝誰云芻蕘辛苦疲民力蘆葦酸寒落雁羣此患東南憂不細九重前席正殷勤

同郭虛齋

均 令弟厚菴

蔣思退

知讓 家山尊

游禪

智寺

一笑拈花問世尊千年古事可堪論山光但照墓田冷竹意不知歌吹繁曾載酒過禽熟識漸催秋至雨飛翻苦瓜僧後丹青歇空向泥邊憶爪痕

余嘗題石灣僧竹西歌吹畫卷此地即竹西寺也苦瓜和尚石灣自號

舟至鎮江王夢樓師鮑雅堂戶部約為焦山之游

一尊京口酒三尺伯牙琴落日海門近舊情江水深相邀刺船去同抱住山心千載焦夫子瓜廬約可尋

明日自京口驛放船至焦山

蒙頭挂烟蘿插脚立江水置之琉璃盆蒼然一螺耳長風日晝浩秀色吹不起我挾探勝情廿載鬱于此帆光醒昨夢眼豁青五里遙存金碧想漸露深竹裏結廬懷隱君迎門識衲子林蟬

靜無噪涼翠秋欲始快隨坡公游山靈亦歡喜

文殊閣

高閣俯江曲凭之涼滿衣雲光無鳥入竹影見僧歸作禮文殊  
在投龕彌勒依諸天只頭止彈指落斜暉

定慧寺訪借庵上人

清頃茶話

冷淡家風見阿師蒲團話久樹陰移不離文字猶吾輩如此江  
山要住持鎮寺但慚留玉帶談禪還待捉松枝便須證取茶三  
昧可是香清味醞時

焦山翫月歌

西風吹雲展微波海色欲上連銀河娟娟片月揭空綠有如半  
鏡新揩磨水晶庵裏鐘聲出不動龕燈光黑漆眼底流輝逼暗  
螢滿山涼竹生蕭瑟危巢老鸛棲不能攬身叫起巖前僧下來

投足似無路苔梯亂踏冰層層此時江頭潮已長瞬息空明馳  
萬丈中有龍魚互吐吞倒入青天亦響何來賈舶沙洲行凌  
風但見孤帆橫不知客夢落何處一程送過南徐更迢迢惜今  
夕上上不可攀傳聞仙真來往于此山我不見之愁心顏夏然  
清嘯聲吹落烟霄間千年陸鶴魂魄在縞衣羽袂疑來還上皇  
樵華陽子自古何人能不死我有松花酒滿尊一醉能令換  
隨此身杳靄翠微中此夢蒼茫玉壺裏

三詔洞拜焦隱君像

崙呀闢巖腹蘿帶垂翩翩中有隱士雲常抱白石眠亮彼出世  
蹤詎爲外物遷鶴書謝紫闥虬姿媚神淵此廬黃犢重此姓青  
山傳幾祥慨惑溺夢寐誣高賢欲知千載後當思千載前無言  
心可證江月與江煙



別峯菴

江光弄淒異，泣然竹柏中。但覺空翠合，不受朝陽紅。竦石怵棧路，危巢駭禪宮。援蘿赴冥踐，樵語生半空。蟻盤千級拾，蛇折一徑通。豁達展江面，波濶天始風。茗椀靠松喫，吹落花濛濛。涼回山易秋，莎際聞吟蟲。情遷往有會，思積來無窮。滄海浩胸底，從之東峰東。

登吸江亭

證此獨往言，意極飛鳥外。江流莽奔赴，孤峙一亭大。岷山所來脈，萬里元氣會。風定閃餘明，雲流挾虛籟。樓臺俯下方，日午靜鐘貝。北固嶺嵯峨，南徐樹菴藹。流觀六朝跡，荒冷闕遺蛻。乘時秣陵潮，過耳石頭瀨。海色來何方，吹綠上衣帶。頗冀從期，卽茲謝塵埽。冥冥歸徑循，林香鎖松檜。

觀音巖次石壁上宋人趙水壺韻

清涼庇我暑，安存巖戶陰。陰白晝昏雲，走樹梢和葉。墮日翻江底，受潮吞振衣。客上凌飛鵲，打飯僧歸起。老猿萬籟生，山風滿耳不知何處證。聞根。

舟次戚墅

幾處人家落酒旗，移船來泊夕陽時。斷雲無力歸何暮，古樹空心老自知。田舍生涯謀芋栗，高人畫本寫茅茨。頭銜我欲煙波借，閒逐漁兒踏浪嬉。

立秋日過姑蘇

不信吳門路來逢，一葉飛山川感游子。舟楫倦斜暉，瑤瑟待誰汎。美人今久違，遙聞採蓮唱。風露莫忘歸。

寶帶橋晚泊

長虹影裏喚停篙萬頃琉璃蹙浪高漁父浩歌天欲暮太湖蠺  
醉客猶豪草根明入留蟲語樹杪風行起鷺濤如此秋光消受  
好未應旅鬢減刁騷

正味齋詩集卷十一

